

AWE Mainta

Maart 5, 2018

www.awemainta.com
www.facebook.com/awemainta
noticia@awemainta.com
 583-1400

CURAÇAO TOURISM BOARD (CTB) A ORGANISA E PROME EDICION DI 'CURAÇAO EXPLOSION IN ARUBA'



Pagina 36

Haci bon, ARUBA DOET 2018 Pasa bon!

CEDE
Centro pa Desaroyo

ARUBA
Oranje Fonds
voor sociale initiatieven

9 Y 10 DI MAART 2018
Inscribi AWOR como boluntario!

arubadoet.com

VACUNA DI KEINTURA GEEL A CABA NA ARUBA

Pagina 5

DIESCUATRO PERSONA DETENI NA UN CAS NA WEG ROOI HUNDO



Pagina 2

DRAAIBOEK DI MEDIDA CONTRA PUEBLO DI GOBIERNO DI MEP TA CLA

Hasta impuesto riba tips



Pagina 11

Experience the difference

- Alarm Installation
- Camera Installation
- Online viewing
- Monitoring Service
- Guard Service
- Patrol Service



*Your protection
partner since 1996*



Phone: (297) 582-7252
E-mail: insec@setarnet.aw
f: [@investsecurearuba](https://www.facebook.com/investsecurearuba)

**We don't just say it...
We Guarantee it!**

= exact

Solutions for Finance, Manufacturing,
Wholesale Distribution, Professional
Services, HRM, CRM and BPM

Business Processes
Marketing, Sales and Service
Logistics & Supply Chain Management
Reporting & Compliance
Planning & Production
Finance & Accounting
Project Management

Supporting all
your business activities

Our goal is to understand and anticipate your business
requirements. It means that everything we do is
geared towards equipping you with solutions that
will help you succeed as markets evolve



Exact. And it all comes together. Tel: 583-7072 | info@vcc.int.com | www.vcc-int.com

Polis ta bolbe canta bingo!

Droga y placa confisca na Weg Rooi Hundo



DIABIERNA personal di Unit Georganiseerde Criminaliteit cu ayudo di Flex Team, K-9 y personal di district 2 en conexion cu un investigacion cu ta hiba e nomber “Diep”, a haci un entrada hudicial na un parcela na Weg Rooi Hundo.

Total tabata tin 10 cumprado di droga y 4 habitante di dicho parcela cu a wordo deteni. Durante buscamento den dicho parcela un cantidad di piedra di cocaína, cantidad di placa y artefactonan a wordo encontra y tuma den beslag.

Tur persona a wordo aresta y transporta den Van di Arrestatie Team. Segun por a comprende, e personanan a wordo cera na diferente warda. Por lo menos un di e detenidonan, a yega di haya su mes involvi cu husticia caba y condena pa violacion pa ley di droga (Benta), y tin mas o menos un año cu el a sali di prizon. Polisnan for di año pasa a bin ta vigilando personanan liga na e mundo di droga, principalmente bendedornan y por bisa cu diferente a cay caba. Esey a haci tambe, segun e expertonan ta bisa, cu durante e ultimo año tin un descabez di droga y esaki a bira mas caro.

Sobrino di comerciante Chines mata y acusa

“Mi no a mata y mi no ta complice”



E homber Pon Sin Fang of Stevie, diabierna tabata den Corte hunto cu Jefferson E., kendenan ta envolvi den e caso di tiramento fatal na Wayaca riba 13 di september 2016.

E principal acusacion contra e dosnan aki ta cu nan ta wordo acusa di ta envolvi den asesinato; sino cu a tira un hende mata cu un pistol, unda cu e meta tabata pa comete un atraco.; complice di tiramento mata; robo cu violencia cu morto como consecuencia y na di dos lugan nan ta wordo acusa di a purba mata tambe e tata y su yiu homber.

Diabierna durante henter tratamiento di e caso Stevie a keda persisti cu e no a planea ni tabata sa kico ta intencion di Jefferson. Unico cos cu e por bisa ta cu e dia ey su empleado, manera semper, a pidie un lift y e biaha'ki el a pidie bah'e den area di Wayaca. “Mi a bah'e y mi a bay busca mi yiunan na scol.” Pero un rato despues Jefferson ta bolbe yama pa buske pero na Angochi, banda di un primo di dje cu yama Fernando. “E tabata tur sushi na santo. El a papia algo di a haya un pa planta marihuana. Mi a pensa cu ta p'esey e tabata tur sushi. Mi a bah'e na su cas y despues a hiba mi yiunan cas.”

El a sigui splica cu e mester a bay San Nicolas pa recoge un freezer di dje y a pasa busk'e pa compañ'e. Ta na caminda, segun e acusado aki, Jefferson a cont'e loke cu a pasa di e atraco. Y cu e homber a bis'e cu si e conta algo, e lo tir'e tambe mescos cu el a tira e tanta.

Nan a sigui pa San Nicolas, pero e freezer no tabata cla. Y di buelta el a pasa compra pleister pa e herida di Jefferson, kende despues a pidie bay banda di Palo Marga pa deshaci di e evidencianan. E siguiente dia su empleado a bis'e pa busk'e pa bay traha “pa muestra cu tur cos ta normal”. “Mi tabatin miedo di dje, mi a sinti cu mi bida tabata core peligro. E tabata blo hari y bati man den auto ora cu e tabata conta kico a pasa. Mi no a planea e cos aki y mi no ta complice.” El a sigui splica cu e tie-wrap cu Jefferson a uza ta material cu e ta uza den su trabou y a compra nan for di luna di juni.

“Mi relacion cu Jefferson ta manera di un tata cu yiu. Foi su 14 aña e traha cu mi,” el a conta. EL a bisa ademá, no ta berdad cu el a duna placa pa e arma. “Mi no tin nada di haber cu loke a pasa,” el a duna di conoce.

RAPPORT PROFESIONALNAN

Den e caso aki diferente rapport a wordo traha di e dos acusadonan, di reclassering, psiquiatra y psicologo.

Den e caso di Po Sing Fang Psicologo ta bisa cu no tin indicacion cu e tin un problema mental. Den caso cu e wordo haya culpabel y condena, e lo mester haya un tratamiento pa reflexiona riba loke el a haci.

Pa loke te Jefferson a profesional a bisa cu e ta un persona cu basta problema, cu por ta contradictorio si mira cu el a finalisa scol como e miho graduado. E ta sufri di ADHD y tin un “anti sociale persoonlijkheid stoornis” y e dosnan aki den combinacion cu su uzo di marihuana ta pone perde tin biaha y cu e no ta pensa logico. Si e no haya tratamento, tin chens grandi cu den futuro e por haci mesun cos atrobe. Pesey nan ta conseha pa na momento di duna castigo, dun'e un parti condicional mas grandi posibel, cu tempo di prueba pa e no cay bek. E mes ta bisa cu Stevie tabata su heroe y e mester a yud'e. Dia 23 di maart den oranan di merdia lo tin sentencia den e caso aki.

Parlamentario Robert Candelaria

Gobierno duna claridad riba cantidad di hende cu a bay y cuanto a ser poni bek



GOBIERNO di Prome Minister Wever Croes for di inicio cu su gobierno kier traha den un forma transparente, den un forma integro y a base di

esaki, miembro di fraccion di AVP, sr Robert Candelaria, ta muestra cu e ta spera cu e pensamiento aki di Gobierno, ta nifica cu preguntanan cu lo wordo haci pa Parlamentarionan di oposicion, lo ricibi debi atencion y cu e preguntanan aki lo wordo contesta.

Sigur ora cu ta trata asuntonan crucial manera finansa publico pa con ta trata empleadonan den gobierno.

“Ultimo tempo tin diferente indicacion di hendenan cu ta wordo kita for di trabou, entre nan algun cu ta den e luz cu nan a bin cu e gobierno prome y tin cu bay cu e gobierno, pero tin otronan cu nos no por pone e link aki y e nivel di hendenan cu ta wordo kita di servicio, ta di e nivel mas abou den un organisacion te na nivel di directornan. Nos por tuma nota cu gobierno a bisa diferente cos cu nan kier haci otro, un di nan cual nos a papia na hopi ocasion ariba, esta di baha e cantidad di Ministernan, kita coordinadornan di e gobierno anterior y motibo tras di esaki di e actual gobierno, ta pa baha gastonan y drecha finansa publico.

Esaki tabata e pilar di loke gobierno di coalicion nobo tabata insisti ariba como e forma principal pa drecha finansa publico. Sinembargo loke nos ta mirando ta cu berdad a cumpli parcialmente cu esaki, caminda ta kitando coordinadornan pero e cantidad di ministeri manera tur hende sa,

no a bira 7 pero ta 8 pero loke por mira tambe mas y mas, cu ta poniendo hendenan bek como coordinador y e cantidad di hendenan cu ta wordo poni, parce di ta hopi grandi.

No solamente den Cocolishi pero den otro departamentonan di gobierno, nos ta hayando indicacion cu e cantidad ta creciendo y creciendo tur dia. Mirando cu tin indicacion cu kier a kita hende pa baha gasto pero awor ta poniendo hende bek, e ta lanta hopi duda y pregunta y mi kier a haci uzo di mi autoridad cu ley ta duna nos como Parlamentario, pa haci algun pregunta na gobierno pa haya aclaracion, splicacion, motivacion y tambe cu si tin indiciacion cu cosnan tabata bayendo robes y tin crecimiento descabeya, cu gobierno lo sa di stop esaki y coregi esaki ya cu esaki ta un promesa cu gobierno a haci na pueblo.

Esta cu cada Minister ta haya menos coordinador, ta haya un grupo chikito pa traha cune como su conseheronan pa drecha finansa publico, cu ta algo cu e gobierno actual a insisti riba dje cu ta su preocupacion mas grandi,

Den cuadro di esaki mi dirigi un serie di 23 pregunta na Minister Presidente pero mi lo atende algun di esakinan pa asina pueblo por tin un idea di kico ta e preguntanan cu mi persona a haci na nomber di fraccion di AVP. Asina nos por haya un bista di e hendenan cu ta wordo tuma den servicio di gobierno, si ta un persona, un compania, si ta abogado, si ta consultant, cuanto nan ta. **Aki algun di e preguntanan cu mi a dirigi na Prome Minister:**

- Cuanto persona gobierno a tuma den servicio desde cu gobierno ta na mando y esaki ta di personanan riba tur nivel, den cual funcion pa haya un bista si ta den

departamento, si ta den Cocolishi, si ta consehero di minister, chauffeur, hende di limpieza of administracion

- Kico ta duracion di contractnan di trabou cu a wordo duna, y kico ta gastonan di salario y beneficianan cu a wordo duna na empleadonan nobo. Motibo di e pregunta ki ta cu gobierno nobo a bisa cu e ta bay baha personeelbestand di gobierno pa baha gastonan di gobierno pa yega na un miho finansa publico

- Cuanto management team a wordo institui y na cua servicio di gobierno. Si ta kita un diensthoofd of ta pone un banda y ta pone dos of tres hende na su luga, ta bay tin tres of cuater salario pa paga y ta bay tin un situacion cu no ta tur management team lo logra nan meta di drecha un situacion of coregi cosnan robes. Mas bien esaki ta muestra riba promesa di campaña a haci cierto palabracion y awor nos kier sa cuanto tin awo.

- Cuanto hende tin den cada management tin, sea ta un, dos of tres, nos kier haya un bista riba esaki y cuanto di nan tabata den servicio di gobierno caba y cuanto ta nobo y den ki schaal a pone nan.

- Kico ta gastonan cu a wordo haci caba na oficina di abogadonan a base di cantidad di caso cu ultimo tempo a bay Corte y hopi di nan gobierno no a gana pero abogado nan costo si a keda acumula y nos kier haya un bista di e gastonan aki y cuanto nan ta. Mesun cos cu consultant ya cu tur gobierno tin mester di nan pero nos kier haya bista riba cuanto placa a bay caba pa abogado y consultantnan.

Nos ta spera cu pronto nos haya contesta riba e preguntanan aki pa nos comparti cu pueblo y nos ta spera cu lo no bin medida y otro cosnan pa facilita grupo di hende cu ta creciendo den gobierno pero cu pueblo tin cu paga pa esaki.

No ta pueblo tin cu sufri pa un gobierno cu ta pone hende den servicio a base di promesa haci caminda ta pueblo tin cu paga esaki,” Parlamentario Robert Candelaria a trece dilanti.

Debi na demanda grandi

Vacuna di keintura geel a caba na Aruba

SIMAN pasa Departamento di Salud Publico a anuncia cu entrante 1 di maart lo cuminsa controla tur turista cu ta procedente di paisnan endemico pa keintura geel riba nan prueba di vacunacion.

Despues di e anuncio aki seccion di Malesanan Contagioso a ricibi hopi hende cu a bin busca e vacuna preventivamente. E cantidad substancial di persona cu a acudi no por a wordo premira mirando cu añanan anterior e demanda pa e vacuna aki bou di nos residentenan no tabata asina halto.

Seccion di Malesanan Contagioso mirando e demanda grandi a conclui cu ta bay tin mester mas vacuna y a cuminsa tuma contacto mes ora cu Organisacionan Internacional di Salud y tambe cu paisnan den Caribe sondeando e posibilidad pa cumpra mas vacuna, pero lamentablemente no a logra esaki riba termino corto.

E vacuna contra keintura geel no ta uno facil pa haya debi na e diferente epidemianan cu tin. Esaki ta haci cu e proceso pa haya e vacuna bek na Aruba lo tarda 3 siman. Ta premira cu mas tarda fin di maart of poco mas trempan lo tin e vacuna disponibel atrobe. Manera cu nos tin e vacuna nos lo informa comunidad riba esaki.

Seccion di Malesanan Contagios ta conseha tur persona cu ta bay biaha pa paisnan unda cu tin keintura geel pa proteha nan mes door di uza repelente contra sangura regularmente y bisti paña cu manga y pia largo y si na bo regreso bo presenta sintoma di keintura acudi cerca bo dokter di cas mas pronto posibel.

Pa mas informacion por tuma contacto cu seccion di Malesanan Contagioso di Departamento di Salud Publico na 522-4200.

Ambulance y Polis a yuda dama depresivo



DIASABRA algo prome cu 2'or y mey di marduga, un patruya di polis ta wordo manda cu urgencia den Hubadastraat pa motibo cu gritonan di auxilio tabata wordo scucha den e Rooi cu ta pasa den Hubadastraat. Na yegada e polisnan ta logra topa un dama, kende tabata den un estado hopi depresivo, polis na su turno ta pidi mesora pa presencia di ambulance, Despues cu personal di ambulance a trata e victima na e sitio a transporte pa hospital, pa un tratamiento mas avansa.

Dos turista a bishita bar bira burachi y despues a wordo atraca y maltrata


DIADOMINGO pa mas o menos 5'or y 20 di marduga, durante un control den Seroe Colorado, e patruya di San Nicolas ta bin topa, na altura di Centro Colorado cu dos homber tur na sanger.

Na prome instante a pensa cu por ta trata di dos persona ilegal, pasobra nan tabata papia basta bruha y a confundi e agentenan. Segun nan version, nan a bay bishita un bar na San Nicolas y a bebe te bira burachi. Ora a yega momento di bay bek nan destinacion, nan lo a haya lift cu un supuesto taxi, e "taxista" a bisa di lo hiba nan unda nan ta hospedando.

E supuesto taxi sabiendo cu e dos hombernan aki no ta local y nan tabata burachi enbes di a hibanan unda nan ta hospeda na Oranjestad, a tuma rumbo di Colony. Segun e dos victimanan, den e auto lo tabata tin mas persona. Den Seroe Colorado, na un caminda desconoci pa nan, chauffeur a para e auto y eynan ta caminda cu ambos homber a wordo seriamente maltrata cu un obheto, aparentemente un arma, mayoria di e golpinan fuerte tabata na nan cabes, lagando ambos tur na sanger atras.

E victimanan di nacionalidad Mexicano y ta traha riba un barco ci ta mara actualmente den waf na Playa. Un di nan a wordo trata na Imsan, pero e otro a haya golpinan mas fuerte y mester a wordo transporta pa Hospital pa un tratamiento medico mas avansa.

Otro accidente na Sero Pita



DEN un siman di tempo dos accidente cu basta daño material a tuma luga na Sero Pita. Despues di esun di siman pasa diabierna, awo diasabra ultimo den oranan di atardi, den careda di 5:50, polis ta wordo informa di un accidente cu hende herida na crusada Seroe Pita. Mesora un unidad di Santa cruz cu tawata cerca a bay e sitio. Tawata trata di un Kia Rio y un Chevrolet Captiva. Segun por a compronde na e sitio, e Kia tawata bayendo zuid y e Chevrolet Captiva a subi e cruzada for di pariba.

Den e Kia un señora di edad a resulta levemente herida y mester a haya tratamento di personal di ambulance. Solo skerpi, segun un testigo por a causa cu e chauffeur di e Chevrolet no a pone atencion ora ela subi e cruzada.

BO MESTER DI WASTE BUCKET RESIDENCIAL OF COMERCIAL?

ecotech

YAMA

Mr. Bucket

594-3757

mrbucket@ecotech.aw

20 yrd Big Bucket

15 yrd Junior Bucket

10 yrd Small Bucket

Parlamentario di Fraccion AVP Robert Candelaria

Hopi pregunta haci na gobierno riba criticanan di CAFT



DIA 27 di Februari 2018 College Aruba Financieel Toezicht (CAFT) a trece padilanti un reaccion na e “Uitvoeringsrapportage” di e di 4 trimester di 2017. Den e reaccion aki, pero tambe esun prome cu e ultimo, CAFT tabata critico riba e “uitvoeringsrapportages” y e asina yama “tekortnorm” segun e Landsverordening Aruba Tijdelijk Financieel Toezicht (LAft) den e presupuesto di 2017. Dia 9 di Februari 2018 den e Uitvoeringsrapportage di e di 4 trimester di 2017, Gabinete Wever-Croes a duna di conoce cu e cantidad di FTE a baha cu 129 den e di 4 trimester di e aña 2017 den comparacion cu e di 3 trimester. Segun e reportahe, e cantidad di trahado aki cu a bay cas, tabata e personanan den servicio di e gabinete anterior cu nan contract di trabou a caba na final di e periodo di gobernacion di e gabinete anterior. Ademá, e reportahe ta indica cu e FTE aki tabata compensa cu personal nobo di e gabinete Wever-Croes. E impresion cu tin ta cu e compensacion aki di esunnan contrata ta bastante grandi.

En busca di un contesta riba e informacion aki Robert Candelaria a puntra gobierno, via Minister President, diferente pregunta riba su maneho di gasto teniendo cuenta cu e scarsedad di recursonan disponibel, entre otro e nombracion di relativamente hopi funcionario nobo y e incumplimento di e medidanan di austeridad prometi.



Stichting Casa Cuna Progreso zoekt:

(Pedagogisch) groepsleidster

‘De jeugd heeft de toekomst, die toekomst moeten we samen maken’

Stichting Casa Cuna Progreso is een 7x24 uur voorziening voor kinderen van 0 tot en met 6 jaar die (tijdelijk) niet meer thuis kunnen wonen, bijvoorbeeld vanwege lichamelijk of emotionele mishandeling of verwaarlozing, seksueel misbruik of huiselijk geweld. Het doel van de stichting is psychische en fysieke zorg bieden aan kinderen van 0 tot en met 6 jaar en begeleiding en ondersteuning geven aan hun ouders/familie.

Stichting Casa Cuna Progreso (SCCP) zoekt een **(pedagogisch) groepsleidster** met de volgende **kwaliteiten**:

- Je hebt een MBO-4/HBO opleiding op het gebied van pedagogiek en/of welzijn
- Je hebt een rijbewijs B en D
- Je bent flexibel om (nacht)diensten, gedurende het weekend en op feestdagen te werken
- Je kunt je zowel mondeling als schriftelijk goed uitdrukken zowel in het Papiamentu, als in het Nederlands
- Je wilt je inzetten voor de professionaliseringslag die gemaakt gaat worden binnen Stichting Casa Cuna Progreso
- Je bent pro-actief, zorgzaam, een goede teamplayer, gedreven en resultaatgericht

Functie inhoud:

Als (pedagogisch) groepsleidster werk je op het gebied van de verzorging en de activiteiten met de kinderen en waar mogelijk met hun families. Tevens ben je inzetbaar bij ons nieuw tiernmoederproject. Als groepsleidster maak je deel uit van het team, dat wordt aangestuurd door het management team, dat bestaat uit de teamleiders, de pedagogisch coördinator en de directeur.

Wat bieden we?

- Goede salariëring
- Arbeidsvoorwaarden zijn conform ons CAO
- Trainingen en cursussen
- Doorgroeimogelijkheden

Informatie en aanmelding:

Uw schriftelijke aanmelding, CV en een kopie van uw diploma's dient u vóór **20 maart 2018** te sturen naar de vice voorzitter van de Stichting Casa Cuna Progreso, dhr. Carlos Albertus, Pos Chiquito # 4, Aruba. P.O. Box # 733, Email adres: bpinterfaceaua@setarnet.aw Eventuele nadere inlichtingen kunt u inwinnen bij de directeur mevr. Quilin Arends (telefoon 585 7177 / 5853010). E-mail adres: directie@casacuna.awwhet

Homber maltrata cu bat di baseball



DIADOMINGO pa mas o menos 11' or y mey di mainta polis ta bay na e veld di Lago Heights, situa pariba di Oliviere Store.

E prome informenan cu nan a ricibi tabata bisa cu, un persona lo a wordo maltrata cu un bate di baseball.

E homber cu lo a uza e bate di baseball pa dal e otro persona a bandona e sitio, pero esnan presente a nota e number di e auto. Polis a logra haya un di e hombernan cu lo tabata envolvi den e maltrato, ariba caminda pariba di Oliviere y mes ora a detene.

Mientrastanto ambulance a yega na e veld pa trata e victima, kende despues a keda di bay Imsan riba su mes, anto ora e caba na IMSAN elo bay warda di San Nicolas pa haci un denuncia oficial di maltrato cu arma.

Durante e detencion polis a kita un Toyota Tercel cu no tabata tin su papelnan na ordo. Polis a keda di bay unda e otro agresor ta biba.



Problema den Ranchostraat ora di control



Homber maltrata pa oranan tira riba caya

DIADOMINGO algo pasa di 6'or di mainta, polis ta haya un informacion cu for di e anochi prome lo tin un persona benta riba vloer patras di U-wanna Beer y aparentemente e lo a wordo maltrata door di un of mas persona. Mesora polis ta bay na e sitio.

Na yegada enberdad nan ta topa cu un homber, e homber riba su propio forsa a logra lanta para, ela bisa polis cu ela wordo maltrata pero cu awo e ta sinti su curpa mas mihor y cu elo bay su cas.

E homber no tabata desea duna niun keho na polis y no tabata kier atencion medico di ambulance.

DIADOMINGO algo despues di 6'or di mainta, durante patruya, polisnan a bay haci un control den Ranchostraat, esaki no a cay den bon tera cerca e hendenan den e caya aki y nan a cuminsa lanta cu e polisnan y no tabata laga nan haci nan trabou manera mester ta, mesora e agentenan a cuminsa pidi refuerzo.

Hopi liher Patruyanan di Santa Cruz, di Noord, Flexteam di polis y unidad di K9 a yega mesora na e sitio pa asisti nan coleganan di Oranjestad. E hefe di turno di Noord tambe a presenta na e sitio. Varios persona a keda deteni y tambe un auto a keda confisca.

Movencion relampago pa alarma di robo den Pricessmart



DIASABRA den oranan di marduga, despues cu polis a caba di controla un auto sospechoso den Pedro Gallegostraat, nan ta scucha un alarma bay on, mesora nan ta bay direccion di unda e zonido di alarma ta bin y nan ta nota cu ta e alarma di Pricessmart a bay on.

Mesora nan ta baha y bay controla full rond di e edificio, patras di e edificio nan ta topa cu un porta habri y un trapi poni. Un rato despues e security tambe ta yega pa haci su control, e ta topa cu e polisnan controlando riba dak di e edificio.

E Security a splica e polisnan cu e seccion unda e alarma a bay on, ta e parti paden di pricessmart.

Mientras e security guard y e polisnan ta-bata controlando, e persona encarga cu yabi di Pricessmart ta presenta, e ta habri e porta, nan ta controla paden, pero no ta topa cu nada particular.

SERVICIO SEPTICO
ecotech
- Residencial & Comercial
- Servicio Rapido
- Servicio Profesional, Confiabel y Garantisa
* Prijs di Awg. 65,- te max. di 7 m3
* Prices based on 3.5% BBO BAZV.

AWG 65,- INCL TAXES

YAMA NOS NA: 582-4684
info@ecotech.aw
www.ecotecharuba.com

Nos ta Acepta ATM ora di duna septic service

Primito
PEST CONTROL GARDEN CARE
Experto den Comeheine
Solucion pa problema di fruminga, garpata, kakalaka
Call Today: 588-4000
Free termite quotation.

Draaiboek di medida contra pueblo di Gobierno di MEP ta cla

Hasta impuesto riba tips

NA momento cu politiconan sinta ocho aña den Parlamento y no cumpli cu nan obligacion como Parlamentario, ta surgi un situacion cu local ta pasando na e momentonan aki ora cu nan forma gobierno sin a spera di haci esaki.

Claramente por ripara cu despues di 100 dia di gobernacion,

Gabinete Croes no tin nocion kico e tin cu haci of con e tin cu cumpli cu tur promesa cu a ser haci na durante di campaña, Parlamentario Marlon Sneek ta muestra.

“E draaiboek di MEP ta cla y mescos cu otro draaiboeknan cu a wordo traha den pasado, ningun caminda por haya algo

Wever cu ta na beneficio di pueblo y pa partido MEP, pueblo ta sinonimo di e palabra medida.

Tur cos ta muestra cu e draaiboek ta muestra cu lo aumenta BBO te cu 5% y cu BAZV lo aumenta te cu 4% mientras cu Derecho di Importacion, lo subi cu 5% adicional mientras cu lo aumenta grondbes-

lasting pa asina trata di saca mas placa di pueblo pa por goberna.

Un punto cu ta mas serio di henter e maneho sin vision aki di Gabinete Wever Croes ta e indicacion cu lo bay introduci medida tambe den e sector hotelero c’un impuesto riba ‘tips’ cu trahadonan ta ricibi pa e excelente servicio cu nan ta duna na bishitantenan.

Pa miles di trahado tips ta algo esencial ya cu e ta duna nan un tiki mas espacio financiero cu nan por haci algo mas den cubri gasto di cas y personal y paga algun cosnan extra.

Loke ta fortifica tur e puntonan aki ta e hecho cu ainda Parlamento no tin informacion algun di kico gobierno ta bay haci, no tin un plan di maneho di e gobierno nobo di mas cu 100 dia caba y tur loke Prome Minister ta haciendo, ta di pone maneho financiero di nos pais, den man di un comision cu ta na Aruba pa solamente

vigila cu ta cumpli cu normanan palabra cu Gobierno Hulandes pa loke ta reduccion di deficit presupuestario.

E falta di vision, e falta di plan di gobernacion ta pone cu Prome Minister ta mirando den CAFT un aliado di gobernacion cu lo determina kico lo pasa cu desaroyo general di nos pais, y cu lo bay afecta gran parti di nos poblacion.

Ocho aña largo pueblo di Aruba no a conoce medida, no a conoce presion financiero manera tabata e caso bou gobierno di MEP pero awor un biaha mas ta sinti cu medida ta batiendo riba porta, tratando di drenta tur cas pa asina gobierno haya placa cu e tin mester. Si nos corda e lema di MEP durante di campaña, cu tabata #sinmiedo, awor gobierno di MEP ta bati riba porta, gritando sin miedo pa habri porta pa medida cu miedo drenta,” Parlamentario Marlon Sneek ta muestra.

COMMERCIAL REFRIGERATION

SERVICE & REPAIR

for Resorts, Restaurants & Grocery Stores




- ✓ Fast Response
- ✓ Solution Oriented
- ✓ Reliable Services
- ✓ Improve & Extend Unit Efficiency and Effectiveness
- ✓ Malfunction Prevention



CONTACT US:
A Caya Ernesto Petronia 45
T 588.2860 **C** 563.3766
E fertecnv_mfer@outlook.com
F airconditioningaruba
Opening Hours
 Dialuna - Diabierna: 8am - 5pm
 Diasabra: 9am - 1pm

Chauffeur hoben bou influencia



DIASABRA mainta algo pasa di 8:30 polis y ambulance a bay Caya Papa Juan Pablo II (antes Rondweg) na Dakota, pa un accidente cu hende herida.

Na yegada di polis nan ta topa cu un BMW y un Hyundai Tucson.

Segun agentenan a compronde, e BMW lo a pasa den verboden cu velocidad halto y a bay dal tras di e Hyundai. Debi na e impacto duro ambos chauffeur a resulta herida. Personal di ambulance a atende e heridonan na e sitio mes.

Polis a nota cu e chauffeur di e BMW lo a consumi alcohol, a pone supla. Debi cu e test a sali halto el a wordo deteni na e sitio y hiba warda di polis.

Prome Minister y gobierno a pone Parlamento praticamente 'buitenspel'

Awo ta CAFT ta dicidi con presupuesto tin cu bira



PARLAMENTO di Aruba a sufri un sla formal desde cu Gabinete Wever Croes a dicidi di pone trahamento di presupuesto den man di CAFT, cu riba su mes ta algo increibel y muestra di total incapacidad.

Lider di fraccion di AVP, sr Marlon Sneek ta muestra cu praticamente Prome Minister Wever Croes y Minister di Finansa Ruiz-Maduro, a entrega autonomia financiero na Hulanda, algo cu nan mes a acusa gobierno di AVP di lo a haci.

Sr Sneek a muestra riba e declaracion di Prome Minister Evelyne Wever

Croes, kende a confirma na medianan di comunicacion, cu su gobierno tin un asina "plan di rescate" hinca den otro cu ta hopi avansa pero no cla, y pa sorpresa di tur hende, Premier ta informa cu e plan aki a bay pa CAFT pa haya nan pensamiento y conseho riba esaki.

"Ta algo historico loke ta pasando akinan, sigur ora nos ripara con gobierno ta pone literalmente Parlamento un banda, cu aprobacion di e Parlamentarionan cu ta sostene gobierno, y ta manda nan plan di presupuesto pa CAFT.

Den un proceso normal y manera Constitucion ta prescribi, concepto di un presupuesto tin cu yega Parlamento, cu ta e autoridad pa controla y haci pregunta riba esaki y hasta haci recomendacionnan pa cambio, prome cu e wordo trata den Parlamento como ley.

Prome Minister Wever Croes ta bira e prome lider di un gobierno di pais Aruba, cu a dicidi di pone Constitucion un

banda, pone Parlamento un banda y duna praticamente tur autoridad na CAFT, cu en realidad ta un comision cu mester supervisa e presupuesto DESPUES cu Parlamento aproba esaki, y mira si a cumpli cu tur norma stipula pa cu esaki," Parlamentario Marlon Sneek ta muestra.

E lider di fraccion di AVP a sigui muestra cu aki un biaha mas ta resalta e incapacidad y falta di conocimiento di un gobierno di coalicion cu simplemente no tabata prepara pa goberna e pais, pero a hinca un combinacion den otro pa asina nan por saca probecha pa nan mes, famia y amigonan.

"Ta tristo ora cu realisa e decision tuma pa Prome Minister Wever Croes, kende despues di a forma su gobierno, a declara cu porfin Parlamento lo haya su balor bek, cu porfin Parlamento lo wordo respeta pa gobierno pero awor ta bira converti Parlamento den algo cu simplemente ta un participante sin bos den presupuesto di e pais.

Ta mas cu claro cu na momento CAFT defini con e presupuesto tin cu bira, cu un serie di medida cu nan tin hopi aña ta anhelando pa introduci y awor a haya un gobierno cu ta dispuesto pa tuma medida contra pueblo, Parlamento su rol den tratamiento di e presupuesto aki ya simplemente no tin balor y esaki por bira un reunion conoci como 'hammerstuk,' ya cu no tin nada di discuti, nada di analisa ya cu ta CAFT su presupuesto y e lo aproba esaki na final di cuenta," Parlamentario Marlon Sneek a declara.

Ta Busca

**Un persona pa haci oficina
limpi 2 biaha pa siman,
Dialuna y Diahuebs
8am - 11am**

**Interesado por yama na
583-1400 di 8am - 12am**



ATA a tene su prome reunion cu comision di turismo di Parlamento nobo



RECIEN, e prome reunion entre e Comision di Turismo di Parlamento y Aruba Tourism Authority a tuma luga, esaki riba invitacion di Comision di Turismo di Parlamento cu kier a pasa riba diferente topico.

E reunion cu directiva di A.T.A. a tuma luga na nan propio sede y aki a repasa ampliamente topiconan manera resultadonan di 2017, proyeccion y obhetivonan pa 2018, strategia en general. Tambe a pasa riba resultado financiero proyecta pa 2017 y presupuesto pa 2018. A.T.A. a tuma e oportunidad pa tambe amplia riba dos proyecto clave; ‘Business Plan’ di A.T.A. pa 2018-2021 y e plan pa desaroyo di producto turistico ‘Cu Mira pa Futuro’.

Presente na e reunion aki tabata Parlamentarionan miembro di e comision, como tambe algun ‘toehoorder’; Setty Yarzagaray-Christiaans, kende ta presidente e comision, Richard Arends, Michael Lampe, Rocco Tjon, Endy Croes, Jennifer Arends-Reyes, y Mervin Wyatt-Ras. Adicional na e miembronan di e Comision di Turismo, a

conta cu presencia di otro miembronan di Parlamento manera Sue-Ann Ras, Ricardo Croes, Hendrik Tevreden y Shailiny Tromp-Lee. Como griffier di e comision tawata presente Julie Franken-Thode.

Oficina di Turismo ta complaci pa e manera con e encuentro aki a cana, caminda tur miembro a demostra un interes grandi pa e informacion cu a trece dilanti. A.T.A. a presenta e Indicadornan Principal a base di cual ta midi turismo na nivel nacional cu ta inclui e cantidad total di turista cu a bishita Aruba, Tourism Receipts, RevPar y cantidad di turista cu a bishita cu barco. A musta e crecimiento averahe anual di cada un di e indicadornan aki.

A bin preguntanan dilanti riba, entre otro, kico cada Dollar cu ta inverti den mercadeo di nos isla ta trece bek pa nos economia. Aki, CEO di A.T.A. Ronella Tjin Asjoe-Croes a splica cu pa cada 1 Florin cu ta inverti den mercadeo, un total di AWG 101.- ta dreña bek den nos economia como gasto di parti di bishitantenan stay-over.



Ademas a wordo discuti cu den 2017 e indice di ocupacion tabata di 84.6% cual tabata 4.7 punto mas halto den comparacion cu e aña anterior, y cual tabata esun mas halto den Caribe. Durante 2017, e meta pa aumento di turista crucero tabata originalmente 5%, pero en realidad a conoce un crecimiento di 20%; mientras cu e grado di satisfaccion cu ta ser midi mensualmente, ta core den e 80% y 90%.

Clave tabata e hecho cu aunke cu bishitantenan di Venezuela a baha, otro mercadonan por lo general ta muestra adelanto y esaki ta inclui Merca cu a subi fuertemente aña pasa y ta proyecta pa sigui muestra un bon desaroyo den 2018. Tur esaki ta resulta den entrada pa pais Aruba

cu lo surpasa e meta poni di 1% crecimiento na 2017. Proyeccion ta indica cu esaki lo por cera cu un minimo di crecimiento di 5%. Pues e bahada den cantidad di bishitante di Venezuela a ser compensa en grande pa otro mercadonan, y no a afecta entrada pa pais Aruba.

Tambe a subraya e importancia den inversion den nos producto turistico. E plan di accion di 'Cu Mira pa Futuro' ta contene tur paso clave pa ser sigui y aki a enfoca riba e hecho cu e plan aki mester wordi adopta na un manera integral pa asina sigura cu Aruba su turismo ta desaroya na un manera duradero.

A.T.A. ta gradici pa e interes grandi den diferente materia cu a inclui aspectonan di seguridad, desaroyo rond di Venezuela, aspectonan di empuhe riba area cultural y deportivo, acomodacionnan riba nos isla y varios mas. A.T.A. a indica cu a base anual Parlamento a bin ta ricibi dos documento clave di A.T.A., esta e Rapport Anual y e Presupuesto di A.T.A. Aki a indica cu a bira un customer pa reuni separa cu e comision pa elabora riba e dos documentonan importante aki. A.T.A. ta aprecia e oportunidad y incluso for di e reunion aki a acorda cu lo desea di reuni riba diferente topico cu ta inclui un investigacion amplio tratando efectividad di mercadeo di Aruba. A.T.A. a gradici e invitacion y e tempo di e Comision di Turismo di Parlamento y invitadonan.

Segun MEP:

Awor cu e cifra di deficit 2017 ta conoci, politiconan di AVP di berguensa mester hinca nan cara bou tera

Deficit Gabinete Oduber		Deficit Gabinete Eman	
2002	-72.9	2010	-188.6
2003	172.4	2011	-325.2
2004	-353.6	2012	-443.3
2005	-125.6	2013	-332.8
2006	-119.5	2014	-405.8
2007	-71.4	2015	-184.6
2008	51.4	2016	-177.3
2009	-163.1	2017	-137.3
TOTAL (xmln. Af.)		TOTAL (xmln. Af.)	-2194.9
Averahe		Averahe	-274.4

SIMAN pasa 27 di februari 2018, e carta di CFT relaciona cu e di cuater uitvoeringsrapportage 2017 a bira conoci pa henter comunidad. Cu e reportahe aki tambe un y tur por a haya un bista con halto e deficit financiero pa 2017 a resulta y cual deficit ta cay completamente pa responsabilidad di e gobierno di AVP. Den un forma cla y raspa CAFT a conclui cu e deficit 2017 a yega te na -137.3 miyon florin!

Cu esaki tambe tur e fata morgana cu e politiconan di AVP a crea, esta cu e deficit 2017 lo bay ta solamente -25 miyon florin a wordo desbarata completamente pa CAFT. Ta di spera cu awor si e politiconan aki lo bolbe bek na realidad y realisa cu nan politica barata y mentiroso pa defende e maneho financiero mediocre di nan gobierno a resulta den un decepcion total pa e pueblo Arubano.

Triplificacion di deficit

Sinembargo, awor cu e deficit di 2017 ta conoci oficialmente lo ta bon pa haci un comparacion di e deficitnan, tanto durante 2002-2009 (Gabinete Oduber) como 2010-2017 (Gabinete Eman) p’asina pueblo mes haya un bista cla con irresponsabel e gobierno di AVP a maneha e pais aki durante e ultimo 8 añanan. Den e tabel adhunto nos por mira cu Gabinete Oduber a crea un deficit total di -682.3 miyon florin y cu un averahe di -85.3 miyon pa aña. Y awor e desaster mes mes ta bini: Gabinete Eman a crea un deficit total di -2194.9 miyon (-2.2 Biyon) florin y cu un averahe di -274.4 miyon florin pa

aña. Pues segun averahe Gabinete Eman a mas cu triplifica e deficit di nos pais. Si esaki no ta un maneho financiero desastroso, ta con otro lo mester yama esaki anto? Tambe mester conclui cu e deficit total di 2.2 Biyon florin crea pa Gabinete Eman ta cuadra completamente cu e redoblacion di nos debe nacional cu a crece for di 2.1 Biyon florin na 2009 te na 4.2 Biyon florin na 2017. Anto ainda bo ta haya un sra. Mervin Wyatt-Ras – un ex parlamentario di MEP kende ta hopi bon na altura con MEP a goberna e pais aki durante 2001/2009 - a declara recientemente cu e gobierno actual “falta di conocemento con mester goberna nos pais”. Ta di e forma desastroso aki e kiermen cu su partido AVP tin tur e conocimiento pa goberna un pais?

Surplus na 2003 y 2008

Pues lo ta bon pa e marionetanan den fraccion di AVP reflexiona riba e cifranan den e tabel presenta y mira pa nan mes tambe cu e unico gobierno cu a crea surplus financiero na dos ocasion, esta na 2003 y 2008 tabata Gabinete Oduber y cu e gobierno di AVP mes despues di tabata 8 aña den gobernacion na ningun momento por a logra sikiera crea pa un vez un surplus den nos finansa publico.

Finalmente, ta un berguensa hopi grandi cu te ainda e politiconan di AVP cu supuestamente ta carga tur titulo universitario na mundo ta muestra tur dia nan incapacidad pa analisa y interpreta cifranan financiero y ta sigui defende e maldad cu nan gobierno a haci cu e pueblo Arubano.

Y riba dje tur dia nan ta cana rond cu nan cara falso instigando y venenando mente di pueblo cu e gobierno actual no sa con pa maneha e pais aki y cu e gobierno lo bin cu medida, siendo cu tabata e gobierno di AVP mes cu a tuma un hala di medida durante nan gobernacion y cu a crea e pobreza alarmente den e pais aki. Pues partido AVP ta sinonimo na pobreza pa pueblo y rikeza pa nan mes!

YMCA cu cambionan pa aña escolar 2018-2019

Mayornan tin cu re inscribi participante prome cu 29 di juni



YMCA ta informa e pueblo di Aruba en general y e participantenan di YMCA cu p'e aña venidero nan lo bin cambio p'e aña escolar nobo 2018-2019. YMCA tin e programa di Y's Care, cual ta un programa despues di scol, unda ta haci diferente actividad cu e muchanan. YMCA tin e procedura anual cu e participantenan activo ta roll over den e aña escolar nobo, pero desde 2018-2019 lo bin cambio den esaki.

Directora di YMCA, Rachel Croes, a expresa p'e mayornan ta hopi atento p'e proceduranan nobo. E mayornan lo tin cu bay entrega un formulario di re inscripcion di e mucha y esaki lo yuda e parti interno di YMCA pa tin informacion mas actualisa di e mucha. Tambe esaki lo yuda nan pa tin un miho control riba e parti di administracion di e programa. Ta importante p'e mayornan tene na cuenta cu formulario di re inscripcion mester ta entrega prome cu dia 29 di Juni 2018. Si no entrega e formulario aki e yiu no lo tin un luga reserva p'e aña escolar 2018-2019. Esaki ta nifica cu pa mayornan cu ta desea drenta e programa di Y's Care pa e aña escolar nobo pa asina nan tambe tin e oportunidad y e lista di espera ta bira menos. Na e momentonan aki tin hopi mayor ta wardando pa un periodo largo pa por haya un cupo den e programa.

Cu e sistema nobo aki, YMCA lo bay tin miho control y nan lo bay tin e oportunidad di brinda mas mucha un den e programa.

Tambe e cambionan ta encera cu YMCA lo ta mas estricto cu 'deadline', cual lo yuda e administracion interno di YMCA. Asina aki e organizacion por brinda e ayudo na esunnan cu mester. E deadline mensual ta dia 5 di cada luna pa por haci e pago, di cual ta un cambio hopi importante p'e mayornan. "Alabes e ta un alivio pa mayornan cu nos ta bin cu un procedura, cu nos ta ofrece un descuento", Rachel Croes a expresa. Na e momentonan aki nan no tin esaki pero desde aña escolar 2018-2019 e mayornan por scoge pa paga mensual of 1 biaha pa aña. Esunnan cu scoge pa paga 1 solo biaha pa aña nan ta ricibi un descuento di 30%, si scoge pa paga 2 biaha pa aña ta ricibi un descuento di 20% y scoge pa paga pa kwartaal cu ta cada 3 luna nan ta haya 10%.

E mayor di participantenan existente lo bay ricibi via e mucha un pakete di informacion y regla di e aña escolar nobo, unda cu tur informacion ta stipula, tur deadline y formulario. Mayornan cu no tin yiu cu ta den Y's Care, por pasa na YMCA Dakota of YMCA San Nicolas pa ricibi e informacionnan necesario, e formulario, pero muy pronto lo por ricibi tur informacion riba e website www.arubaymca.com.

Un otro cambio cu lo bay bin p'e aña escolar nobo ta e sistema di busca e muchanan. Ta haci esaki p'e siguridad di e mucha, unda lo enfoca riba e polisa di siguridad. E mayornan lo tin cu pasa na balie y indica cu nan ta busca nan yiu, di cual e boluntarionan mes lo trece e muchanan.

Rachel Croes a expresa cu nan ta haci esaki pa asina preveni cu personanan desconoci por bin bisa cu nan ta familiar di e mucha y esey no ta e caso. Ora di inscribi e muchanan, mayornan lo mester duna number di 3 otro persona cu tin e derecho pa busca e mucha. Si un di e 3 personanan aki pasa pasobra e mayornan no por, e persona mester identifica su mes. Ta importante p'e mayornan lesa e pakete di informacion pa asina ta na altura di tur e cambionan cu YMCA lo tin p'e Y's Care.

Segun Parlamentario Endy Croes, Hulanda tambe ta culpabel di e situacion financiero na Aruba

“Nos ta pidi CAFT y Hulanda tempo y no placa paso nan tambe ta culpabel”



PARLAMENTARIO Endy Croes por a tuma nota con algun Parlamentario awe den oposicion ta manera ansha pa mira kico ta e solucionnan cu Coalicion lo bin cu ne. Segun Croes net Parlamentarionan di AVP kendenan ta autornan intelectual cu a causa e “desaster financiero” mester ta esnan mas keto den e proceso aki. Mester recorda AVP cu den 23 año di Status Aparte, den e periodo di 1986 pa 2009 esta di tur signatura politico cu a goberna e pais aki incluso MEP, a laga un debe nacional di 43% di GDP na final di 2009 y pues den cuadro di tur standard internacional. Den 8 año di AVP na unda te hasta bou supervision di CAFT esaki a aumenta pa 87%. CAFT mes a declara recientemente cu e debe nacional a alcanza 87% sin e proyectonan di PPP. Esaki ta e “ainda falta” cu AVP a campaña cu ne?

CAFT a permiti e debe crece

No obstante cu e maneho di AVP yena cu corrupcion, ladronia, persecucion, malicia, odio y vengansa unda te hasta minister a cay cera y

pronto lo tende di mas ministernan bou investigacion, por a tuma nota cu e rol cu CAFT a hunga den tur esaki pa permiti e debe crece y alcanza 87% ta uno hopi cuestionabel. Esaki ta significa cu di cada florin cu drenta caha di gobierno, 87 cen ta comprometi pa paga debe y 13 cen ta keda pa gobierno maniobra y rond e pais. Prohibi pa lubida con e situacion di CAFT di berdad a inicia. Despues di un maneho financiero desastroso unda cu Mike Eman a percura pa nos deficit di año 2014 a alcanza 9.4% di GDP, corectamente Hulanda a pone un Koninklijk Besluit (KB) riba cabez di Mike Eman. Enbes di subi avion bay reuni na Hulanda pa trece solucion, Mike su conseheronan a bis’e cu e mester bay yora bou di un palo gñando mundo cu e ta den welga di hamber, pero bebiendo Ensure tur anochi scondi den un tent pa hala atencion. No por lubida con Mike Eman a yama e Hulandesnan pa “verkrachters”. Esaki a conduci cu 27 di augustus 2015 Parlamento di Aruba, esta e 13 Parlamentarionan di AVP a vota “Voor” pa CAFT drenta na vigor.

Situacion financiero no a mehora

Aruba no a ricibi e mesun trato cu Corsou of otro paisnan den Reino. Hulanda nunca a paga ningun debe di Aruba manera si tabata e caso por ehempel na Corsou cu tur debe a ser elimina pagando 5 BIYON florin. Pues no tabatin un level playing field aki. Mas tristo ta cu bou nanishi, pa

no vocifera cu cooperacion di CAFT, e situacion financiero no a mehora. Gobierno bou supervision a trata na cera begroting 2015 y 2016 bendiendo edificio y ricibiendo kwijschelding di 61 MIYON di SVB. Na 2017 a pinta un scenario cu bendicion di Hulanda unda CITGO lo trece aden 73 MIYON cual nunca a drenta caha di gobierno pero si a wordo permiti y acepta pa Hulanda y CAFT. Esaki ta locual ta yama incidental y no structural. Na Papiamanto Crioyo, mi ta gñabo riba papel y abo ta gña di keremi y coopera cumi. Ni CAFT y tampoco Hulanda por kere cu awor den 2 of 3 año e gobierno aki lo mester sana e desaster di AVP. Nos a cana den pueblo y sa e dolor. Pues Hulanda y CAFT lo mester para responsabel pa nan actonan.

Finalmente nos di parlamento lo no mendiga y no ta pidi placa pero si ta EXIGI “Respet” y “Tempo” pa por sana e situacion. Spera cu e señal aki por alcanza CAFT, Tweede Kamer, Eerste Kamer, Rijksministerraad y sigur Prome Minister di Hulanda, cu e Parlamento di Coalicion aki ta uno serio y determina pa corigir e situacion y lo carga su responsabilidad pero no kere cu lo por bay di acuerdo sin mas pa pone e desaster di AVP solamente riba schouder di pueblo y Hulanda y CAFT lo para wak.

Reconoce boso eror y carga boso responsabilidad hunto cu nos, Endy Croes ta finalisa bisando.

Concierto Dominical Donny Laclé un berdadero placer pa presencia



DIADOMINGO dia 25 di februari e bishitantenan di Concierto Dominical Donny Laclé a disfruta atrobe di un dushi ambiente den Café Musical na Biblitoeca Nacional.

E concierto a cuminsa cu presentacion di Tomás González, un cantante cu a compañía su mes cu su guitarra y pista. Originalmente e ta di Argentina. Entre otro el a canta dos cantica di Argentina: “Cuando no estás conmigo”, un tango y “Río Rebelde”, un cantica folklórico, además di un algun otro di Chile y Ecuador

Manera di custumber e caha di glas a pasa rond den cua e publico a haci un donacion. Asina Fundacion Donny Laclé por sigui yuda nos hobennan talentoso riba tereno di musica. Durante e concierto dia 3 di december, aña pasa, e fundacion a entrega no menos cu 15 scholarship.

Siguiyente a presenta Carlos Bislip Quinteto, cu ta consisti di Eduardo Maya, trompet; Ivan Quandus, bajo; Lidrick Solognier, drums; Denzil Tromp, conga y Carlos Bislip, vibes. Nan a presenta un repertorio hopi varia: entre otro un danza, “Night and Day; un cha cha cha, “Triste”, tambe un calypso, wals y un mambo. Na final Carlos a anuncia cu dia prome di april e ta organisa: “ Gift of Resurrection Concert” na cas di Cultura na beneficio di 2 fundacion cualnan ta Fundacion Hobben Talento Musical Donny Laclé y Fundacion Ban uni man Pa cria nos muchanan. Mas di esaki nos ta post otro siman riba e FB Page di Concierto Dominical.

Despues a sigui e ultimo grupo: Erick Uchtmann y Wilberth Bejarano y su Vallenato. Erick no ta un desconoci den e Conciertonan Dominical. Ora e MC hay’e den un preta, ora por ehempel ultimo ora un grupo ta cay afo, Erick semper ta logra soluciona esey.

Esaki ta loke a pasa e diadomingo aki tambe. Erick y Wilberth y su Vallenato a uni pa e ocasion aki. Además di Wilberth y Erick e grupo ta consisti di 6 musico, tanto di Aruba, como di Colombia y Venezuela, tocando sinfonia di man, bajo, diferente tipo di percusion, drums. Nan a cuminsa toca un vallenato cu a pone e pianan kishiki. Tur bishitante ta mira bek riba un otro dushi mainta cu hopi ambiente.

For di awor caba comision organisador ta invita tur hende pa e siguiente concierto cu lo ta diadomingo 25 di maart venidero. Keda pendiente pa mas informacion y wak nos FB page

Celebracion himno y bandera den Centro di Bario Brazil




CENTRO di Bario Brazil ta cuminsa Fiesta ya desde dia 16 di maart di 6 or atardi te cu 9or anochi.

E programa ta e siguiente:

- Promer biaha den CBB, E himno ta wor-do canta pa 4 ruman muher: "Las Gomes".
- Apertura cu Drumband Grupo Scout St. Paulus Michael.
- Grupo di baile di Rene Kock "Guchi Dancers".
- Grupo di baile di Chastity "The Chaz Dancers".
- Cantantenan hoben, Jetzenia y Jurion Martines ta bay canta bunita canticana rel-acina cu nos Himno y Bandera .
- Caha di orgel pa ambiente único.
- Gran dama Cultural, Sra. Sue-ann Croes, ta bin conta: "construcion di un cas".
- Reconocemento na e alumnonan di school básico di bario Brazil cu a sobresali cu nan pintura di "nos himno y Bandera".
- Autonan clasico ta bay tey tambe pa tur cu kier saca potret.

E dia aki di celebración ta bira un actividad cu hopi ambiente y sin laga afo nos DJ cu ta zorg pa un tremendo sound pa asina nos celebra e dia special aki den Centro di bario Brazil.

Directiva di Centro di Bario Brazil ta invita Aruba completo pa bin celebra cu nos paso-bra ta bay tin hopi sorpresa mas pa tur presente.

 BANCO DI CARIBE					
OFFICIËLE KOERSEN TEN OPZICHTE VAN DE ARUBAANSE FLORIN GELDIG OP 2 Mar, 2018 EN TOT NADER ORDER					
valuta		aankoop van publiek			verkoop aan publiek
		bankpapier	wissels, CHQ's reischeques en overboekingen		
Ned. Antil. Gulden	ANG	98.00	100.00	biljetten	100.20
Per ANG 100				chq./overboeking	100.00
Amerikaanse dollar	USD	1.77	1.78		1.80
Canadese dollar	CAD	1.36	1.38		1.40
Zwitserse frank (per 100)	CHF	190.32	191.04		191.84
Pond sterling	GBP	2.39	2.44		2.50
Japanse yen (per 10.000)	JPY	167.45	168.98		170.68
EURO (per 100)	EUR	217.30	219.28		221.49
Deense kroon (per 100)	DKK	28.47	29.19		29.99
Noorse kroon (per 100)	NOK	21.79	22.51		23.31
Zweedse kroon (per 100)	SEK	20.56	21.28		22.08

AWE Mainta
e corant di Toko
Tel: 583-1400 Fax: 583-1444

Segun partido MEP:

E Minister di Husticia di mas incapaz cu Aruba a yega di conoce tabata Arthur Dowers



TA increibel pa mira con e ex-ministernan di AVP ta haciendo saltonan mortal den e ultimo dianan aki, caminda entre otro e ex minister di Husticia, Arthur Dowers cada dia ta birando mas desespera y frustra. Ta comprendibel si su actitud, ya cu te hasta su aspiracion pa bira director di Hospital a cay na awa despues cu su partido a perde 10 mil voto den e ultimo eleccion y cu nan a bay sinta den banki di oposicion.

Dowers a laga frontera hanchu habri

Den su ultimo reaccion siman pasa Arthur Dowers a acusa e gobierno actual di kier yena e pais cu droga pasobra supuestamente nan lo kier mira mas tanto hende droga cu no ta comprende kico nan ta haci. No tin palabra pa describi e locura y disparate aki cu e ex-minister a vocifera y cual por a sali solamente di un persona cu aparentemente lo mester a dal poco droga bieu cu ya a expira y cu ta muestra cu e no ta digno di fungi como parlamentario den e organo di mas halto den nos constitucion. Echo ta cu ta hustamente bao di su

maneho desastroso di 8 aña, caminda el a elimina Guarda Nos Costa, e 3 radarnan Raytheon, e helicopter di polis y e Visibility Teams, henter frontera di nos pais a keda hanchu habri pa tur sorto di droga, arma y ilegalnan drenta Aruba. Con un mandatario cu mente chikito asina por a elimina tur e instrumentonan valioso aki y p'asina permiti droga, arma y ilegalnan drenta na gran cantidad den e pais aki?

Dowers a cera shelter


Tambe sr. Dowers tabatin e curashi di declara cu bao di su maneho e cantidad di adictonan cu ta anda riba caya a ser reduci y cu awor e situacion ta controlabel y trankil atrobe. Ki mentira, ya cu ta danki na su maneho desastroso di 8 aña, caminda el a percura pa cera e shelter den centro di ciudad y cual ta un lugar cu tabatin un miho control riba e adictonan y cu nan tabata haya paña limpi, cuminda y chens pa rehabilita, tur e adictonan ambulante a ser gespart den tur skina di centro di ciudad, danki na Dowers. E consecuencia directo ta cu awor bo ta haya tur e adictonan ta cana tur

sushi den caya, ta drumi anochi unda cu ta riba acera y ta horta entre otro pa haya algo di come y ya a bira un bista tristo pa nos local y turistanan. Locual Dowers a haci tambe tabata di reduci y te hasta kita subsidio di fundacionnan cu ta traha pa rehabilita e adictonan y como resultado cu nan a haya nan mes obliga di manda hopi trahador cas. Asina criminal e maneho di Dowers tabata, ya cu no tabata import'e niun bledo con mester soluciona e problema di drogadiccion na Aruba, basta cu e por a traha trankilmente riba su CV pa bira director di Hospital.

Finalmente, Dowers, bo tabata e Minister di Husticia di mas incapaz y mediocre cu nos pais a yega di conoce desde entrada di Status Aparte, caminda durante 8 aña bo no por a produci ni presenta un plan integral pa loke ta e maneho riba tereno di husticia y como consecuencia cu criminalidad a azota nos pais durante henter e periodo di boso gobernacion. Pues un ex-minister cu ta bay den historia como uno di tanto bal e tabata t'ey of laga di t'ey.



Prome actividad na Palo Marga pa 2018 a surpasa expectativanan



AÑA 2018 lo bira un año hopi grandi pa e deporte di drag race aki na Aruba como cu Palo Marga lo ta celebrando su di 35 año di existencia.

Diasabra ultimo a cuminsa cu e programa di actividadnan y den oranan di atardi for di tur barío di Aruba core donan tabata dirigi nan mes pa San Nicolas pa asina participa na e prome evento di Street Legal. Masha hopi coredo di auto y brommer a yega e staging lane pa asina participa na e evento aki unda tur e categorianan di street legal por a participa.

Na final di e anochi e resultadonan a keda como lo siguiente: Jr. Dragsters campeón Jorrick Croes di Hot Roller Racing y sub campeón Sharyen Simon di Sharyen Racing, Scooter/quad campeón Ergie Curie di Family Connection y sub campeón Raymond Tromp di Assault Racing, Street Legal Car campeón Alex Montilla di Flying Kiki Racing y sub campeón Jobert Reyes di Reyes Brothers RT, Street Legal Bike campeón Elgin Donata di Basari Racing y sub campeón Jayson Geerman di Destroyer Racing, King of the Street Car campeón Derryl

Wester di Super Sonic/TLB y sub campeón John Kelly di Kelly Racing Team, King of the Street Bike campeón Jayson Geerman di Destroyer Racing y sub campeón Norwin Danja di Mad Max Easy Racing.

The Revival of Palo Marga 2 kier a gradici na prome lugartur e participantenan paso sin participante no tin careda, un danki grandi na e tur e officialnan y boluntarionan cu ta traha duro pa haci e eventonan aki posibel. Danki na e sponsernan cu ta pone nan confiansa den e deporte di drag, na IMSAN y e miembronan di Cuerpo di Bombero cu semper t'ey pa asina garantiza e seguridad di e core donan, y sin por laga afor e fanaticonan di drag cu masalmente a acudi Diasabra ultimo pa asina presencia e evento aki.

Proximo evento na Palo Marga tambe lo ta un evento di Street Legal cual ta programa pa Diasabra 17 di Maart proximo. Tur esaki preparando pa e tremendo caredanan internacional cu tin programa di dia 24 te cu 28 di April proximo unda lo celebra den grandi e 35 año di e pista di Palo Marga.

Deporte

RCA ta vence Britannia, na caminda pa topa Estrella den e **"Batalla di Gigante"**



EKIPO Tricolor ta bek na su nivel di custumber y ta derota Britannia 2-0. Erik Santos ta habri marca-dor den prome tempo ariba un bunita cruse di Jeanluc Bergen. Den di dos tempo RCA tawatin un cantidad di oportunidad pero ta e hoben prospecto Diqion Ras ta anota riba un asistencia di Glembert Croes otro ho-ben cu hopi talento, ya den final di partido. Un obser-vashon interesante ta cu 8 hungador di 11 cu a start e wega a lanta y pasa den e sistema infantil y huben-il di RCA. Esaki ta duna hopi satisfacshon na e or-ganisashon cu ta traha duro pa nos hobennan. Tambe mayoria di e cambionan cu a drenta wega pa reforsa ta hobennan di farm-system.

RCA "BIG WHEEL LOTTERY powered by POW-ERADE" awor ta acumula 21 punto y tin proximo Es-trella como contricante. Considera den futbol di Aru-ba como un "BATTALLA di GIGANTE" Soldatnan di Solito vs Naranhada di St Cruz diasabra awo 8:30 den CDGPT. Yega pa apoya nos Soldatnan Tricolor cu ta trahando duro pa sigi hasi su fanaticada orguyoso. Na halft time lo bolbe rifa un di e bunita jersey nan Tri-color. Danki na e cantidad di fanaticada cu ta bin pa copera y apoya nos legendario y exitoso organisashon Sport Vereginig Racing Club Aruba. Danki na Futbol Aruba pa e potret. #RCAPaBida



Team RCA ta conta cu sosten di Aruba Bank



RACING Club Aruba (RCA) ta un di e organ-izacionnan deportivo di mas prominente na Aruba. Pa e ultimo 84 aña e club a bira un parti importante den futbol na Aruba. Contando cu mas di 200 hungado dedica activamente na deporte.

Pa e ultimo añanan Aruba Bank, cu tambe ta hopi activo riba e tereno di deporte, ta apoyando e team. E aña aki a toca e team di SUB-13 LIFIDA B, cu ta e team di muchanan entre 12 aña y 13 aña. Aruba Bank tin un compromiso cu comunidad y specialmente du-rante luna di Maart, nos luna nacional, Aruba Bank ta dedica su mes na deporte, cual ta un pilar importante di nos comunidad local.

Aruba Bank ta contento di por forma parti di e co-munidad, apoyando esunnan cu dia aden y dia afo ta dedica nan mes na e trabaonan bunita y positivo ariba nos isla. Pabien, y hopi exito na e team di RCA!



La Fama Damas ta inicia segunda buelta cu triunfo y derota

Hattrick autentico di Shadira Croes



E campeonato di futbol di AVB division Damas, a inicia caminda e ekipo di La Fama a mira accion den su prome dos weganan di e buelta aki. Den su prome compromiso e ekipo di Savaneta a cay venci contra di Britannia cu score di 3-2 pero diabierna ultimo La Fama ta bin logra un triunfo cu anotacion di 7-0 riba e ekipo di Estrella.

Den su prome compromiso La Fama a topa Britannia caminda den e prome parti e wegata tabata hopi pareu pero tabata Mylene Croes ta pone e ekipo di Piedra Plat dilanti 1-0 den e prome tempo cu tremendo tiro den skina ariba y cu cual anotacion e prome tempo a bay aden.

E mesun hungado ta logra di anota e 2-0 den di dos mita ora cu su tiro a desvia via di un defensa di La Fama y ta sorprende keeper Guylaine Geerman pero La Fama ta logra reacciona y cu gol di Lilianne Saladin ta corta e desbentaha na 2-1.

Sin embargo ora Britannia ta bolbe anota pa e wegata bira 3-1 pero den e minuutnan final La Fama ta reac-

ciona y ta anota cu gol di Shaqiera Rodriguez ora cu su tiro ta slip pasador di man di portero di Britannia pa e wegata bira 3-2 y cual a bira e score final tambe.

Diabierna ultimo La Fama a bolbe mira accion contra di Estrella cual partido e ekipo di Savaneta a domina por completo. Den e partido aki e hoben talento di La Fama, Shadira Croes di 13 aña, ta logra no solamente un hattrick autentico den e prome tempo, pero ta logra un total di 5 gol den e wegata aki caminda La Fama ta logra un triunfo di 7-0.

Ya na di dos minuut di wegata La Fama tabata cerca di anota ora cu riba un centro di Shadira e centro delantero Yennifer Huntington ta tira riba gol pero portero di Estrella ta sali bon y tapa e tiro manda bala corner.

Mucho no a dura despues cu riba un paso di Lissandra Fradl, e hoben Shadira ta bay laga defensa di Estrella y ora cu e portero Sali for di su gol, e ta lob e bala over di su cabes pa pone La Fama ariba 1-0 y despues di e gol aki, Shadira Croes ta sigui cu su

productividad anotando no menos cu tres gol mas pa e prome tempo bay aden 4-0.

Den e periodo aki tambe referee ta expulsa dos hungado, un di cada ekipo lagando ambos ekipo cu 1-0 hungado riba tereno.

Den di dos tempo La Fama a sigui domina e accionnan y cu Estrella purbando na reacciona pero tabata La Fama cu ta logra di aumenta su bentaha na 5-0 ora cu Nicole Garcia ta domina un tiro liber den area penal y ta pusha e bala den gol.

Shadira ta corona su gran anochi cu otro gol despues cu a bira su di cinco gol di wegata y pone La Fama ariba 1-0 y finalmente tabata e medio campista Mylenne Maduro kende ta anota e ultimo gol pa sigura e triunfo di 7-0 di La Fama den e wegata aki.

Cu e resultado aki La Fama ta acumula 19 punto y ta pasa pa di tres puesto riba e tabla di posicion mientras cu Estrella ta keda cu 9 punto.

La Fama su proximo compromiso lo ta diadomingo venidero contra di Arsenal y Estrella lo bolbe mira accion diabierna venidero ora cu nan topa cu Dakota.



Komisarionan di CORE N.V. no mag tin konflikto di interes

WILLEMSTAD - Konstantemente e entidat ku ta evaluá kandidatonan pa bira direktor of komisario na entidatnan di gobiernu tin ku rekordá gobiernu riba e regla ku ora nan postulá un kandidato, e no mag tin konflikto di interes personal ku e funshona.

Konsehero di gobiernu a ripiti e kondishon aki na okashon di postulashon di señor Aron Conquet komo komisario den direktiva di CORE N.V.

CORE N.V.

CORE N.V. ta un sentro di dato di kòmpututer ku ta ofresé servisio i konseho riba tereno digital i nan tin mas ku 18 aña ta ofresé servisio digital na gobiernu i sektor privá. Nan sistema di sigurá dato di nan klientenan ta esun mihó den e ramo lokal pa garantisá ku nan klientenan por konta 24 ora pa dia riba nan servisio.

Nan ta splika e kliente kiko ta e risikonan ku na kual nan datonan ta eksponé. Un ehempel di esaki ta ku protekshon di dato ta masha importante manera e atake ku rusia a lansa riba e base di dato di Merka aña pasá i te ainda.

Minister Konket a postulá Aron Conquet komo komisario eksperto riba tereno di maneho finansiero i merkado.

Ta tres komisario so CORE tin i tur tin e kapasidat i ekspertise nesesario.

Conquet tabata komisario kaba den e hunta i ta versá riba tereno di telematika i telekomunikashon.

Den e kaso di Conquet tambe SBTNO a enfatisá ku no mag tin konflikto di interes personal i e funshon di komisario.

E ta djis bisaesaki pasobra no ta su tarea pa evaluá of screen e kandidato.

E kandidato mes tin ku indiká ku tin konflikto di interes of laga i gobiernu por laga e hasi huramentu.

I unabes ku ta papiando di integridat, masha dia gobiernu a anunsiá ku nan ke lanta un entidat ku ta evaluá hende ku ta traha pa gobiernu pasa tèst di integridat pero e entidat no ke lanta pa kaba.

Of ta miedu tin ku talbes for di tòp di gobiernu mes tin hende ku lo no pasa e prueba aki?

MAN a pidi reunion riba maneho di Gobièrnu enkuantu Bienestar di Mucha na Kòrsou

WILLEMSTAD - Resientemente Gobièrnu di Kòrsou a tuma e desishon ku ta kòrta den subsidio di tur fundashon. Tambe den esnan ku ta traha na bienestar di mucha.

Frakshon di MAN ta konsiente ku e situashon finansiero di pais Kòrsou no ta di kanta makamba pero ta di opinion si ku ora ta trata mucha, mester pensa un, dos, te asta tres biaha promé ku kòrta den subsidio di fundashonnan i organisashonnan ku ta traha na bienestar di nos muchanan.

Frakshon di MAN ta di opinion si ku tampoko mester keda duna subsidio sin ku fundashonnan i organisashon-

nan ta duna kuenta i rason kon i na kiko nan ta gasta e plaka.

Mester kumpli ku kuentanan anual i traha na un manera efisiente.

Gobièrnu mester garantisá ku e fondonan limitá ku ta bai pa e organisashonnan aki ta keda usá optimalmente i sirbi e meta prinsipal, esta bienestar di e mucha.

Frakshon di MAN ta hasi un apelashon riba Gobièrnu pa no kòrta den subsidio di fundashonnan ku ta traha na bienestar di mucha entrante presupuesto 2019.

Entre tantu, frakshon di MAN a pidi un reunion públiko pa debatí ku Gobièrnu riba maneho di Bienestar di Mucha na Kòrsou.



Otro venezolano su lancha a keda konfiská

WILLEMSTAD - Konsekuensia di problemanan den pais bisina Venezuela práktikamente tur dia ta notabel den e seno kriminal na Kòrsou.

Djabierne tabatin tratamentu di otro kaso di un venezolano ku yama Victor Chacin Arteaga, kende ta akusá ku dia 24 di novèmber 2017 el a transportá of koperá pa un kantidat di venezolano yega i drenta Kòrsou ilegalmente.

E fenómeno aki ya ta paralisando e sirkunstansia di bida normal riba nos isla, pasobra una bes ku e venezolanonan aki yega, por spera ku algun dia despues ya nan ta ranka kibra tirando atrakonan violento riba negoshinan manera pakus, tienda, supermerkadu i of hendenan desente i indefenso.

Ta trese e venezolanonan aki riba lancha kontra pago i ta dròp nan na kosta di Kòrsou, pa e hendenan aki mira despues kon sea na bon òf na malu nan ta haña un kaminda den Kòrsou.

E venezolano Victor Chacin Arteaga di 35 aña di edat a fungi komo un di esnan ku a yuda trese algun di su kom-patriotanan Kòrsou.

Esaki a sosodé ku un lancha ku yama “Bryans”, riba kua segun un lista asina largu, por lo ménos 19 persona a keda transportá. Outoridatnan na Kòrsou dia 24 di novèmber 2017 a logra pone man riba e barku aki i tur esnan ku tabata na bordo i mesora a konfiská e lancha.

Na momento di tratamentu di e kaso aki ayera (djabièr-nè) den sala di korte, e akusado mes no tabata presente ya ku dia 1 di desèmber mes el a optené su libertat, anto manera semper sa sosodé den e tipo di kasonan aki, figuranan manera Victor Chacin Arteaga ta hisa nan bela mesora bai fo'i Kòrsou.

Ni su abogado mr. B.Lie Atjam no tabata na tempu presente pa atendé tratamentu di e kaso. Wes mr. de Kort a dikta e sentensia estilo verstèk, esta fuera di presensia di e akusado i tambe su abogado.

E kondena a bira 12 luna di prizon kondishonal, kitando e 10 dianan ku el a pasa kaba den aresto preventivo i konfiskashon di e lancha. Ta keda e abogado ku a kana yega lat i drenta sala nèt despues ku e sentensia a kai kaba, únikamente pa pasa e mensahe over pa su kliente.

Konferensha di lidernan di teritorionan ultramar

WILLEMSTAD - Na Europa den e dianan ku a pasa a tuma lugá un konferensha entre e lidernan polítiko di e paisnan i teritorionan OCT.

Nan ta forma e organo di desishon mas haltu di OCT. Durante e konferensha a evaluá e trabounan di último periodo i tambe a papia riba fortifiká e kapasidat institushonal di e paisnan, a tene un mesa rondó despues di 2020 i tambe e Fondo di Desaroyo pa e di diesun fondo.

Komisario Oropo pa koperashon pa desaroyo

E paisnan i teritorionan di reino hulandes a tene un kombersashon direkto tambe ku e Komisario Neven Mimica pa koperashon pa desaroyo, kaminda e islanan

por a kompartí kon nan ta eksperiensha e kolaborashon ku Union Oropo i kiko ta importante pa nan.

E tema di resistensia kontra atversidat a bini dilanti esta: pa hasi e islanan mas prepará i fuerte pa por enfrentá desaster natural iambio di klima, pero tambe pa por yuda nos hendenan logra desaroyo propio i kombatí pobresa. Gobièrnu di Kòrsou ta trahando riba e aplikashon pa e di diesun fondo pa koperashon pa desaroyo.

Ku e fondonan aki por inisiá

proyektonan grandi manera aworaki den kuadro di EDF 10 pa barionan di Kortijn, Tera Kora, Nieuw Nederland i Sapaté.



A instalá Komishon Konsehero pa hobennan ilegal i indokumentá



WILLEMSTAD - Resientemente Gobièrnu di Kòrsou a instalá oficialmente e komishon ku ta atendé ku kasonan di muchanan i hóbennan indokumentá i ilegal den enseñansa, e asina yamá: “Adviescommissie Ongedocumenteerde en illegale jongeren”.

A bin konstatá ku ya pa hopi tempu kaba hobennan ilegal òf indokumentá ta keda varios biaha perhudiká den enseñansa pa motibunan fuera di nan alkanse.

Pa e motibu aki a instalá un komishon ku ta konsistí di diferente aktornan importante i instrumental ku tin di haber ku e tema aki.

E komishon ta konsistí di Sekretario General di Enseñansa i representantenan di varios Ministerio.

sindikato di enseñansa, representashon di mayor i direktivanan di skol.

E komishon aki tin e siguiente tareanan:

1. Trese na kla kiko ta e situashon aktual pa loke ta trata muchanan indokumentá i ilegal den enseñansa na Kòrsou.
2. Inventarisá e kantidat di muchanan indokumentá i ilegal ku no a risibí diploma durante e añanan ku ta tras di lomba.
3. Inventarisá e faktornan di protekshon i tambe faktornan di riesgo serka e grupo di hóbennan aki.
4. Inventarisá riba e posibel solushonnan pa enseñansa di fundeshi, enseñansa speshal, enseñansa sekundario, Enseñansa di Fishi i enseñansa avansá.
5. Inventarisá e kantidat di kasonan di muchanan ilegal i indokumentá i referí nan pa ayudo profeshonal kaminda esaki ta nesesario.
6. Hasi inventarisashon basá riba e puntonan ariba menshoná, duna konseho na Konseho di Minister riba pronóstiko i rekomendashon pa aserkamentu di e grupo di muchanan indokumentá i ilegal.

Ku esaki e komishon aki ta sòru pa tur hoben hasi uso di nan derecho i tambe obligashon di partisipá na e proseso di enseñansa, sin ku nan keda perhudiká di partisipá na skol òf risibí diploma pa falta di dokumento.

Di e forma aki Gobièrnu di Kòrsou ta traha huntu pa i realisá e vishon di 0-drop-out i mehorashon di nos enseñansa kaminda tur mucha ta desaroyá segun nan máksimo potenshal, conforme e Akuerdo di Gobernashon 2017-2021.



Atrakadónan di pomp di gasolin a keda arestá den kamer di hotel

WILLEMSTAD - Kontinuando ku e investigashon relashoná ku un kaso di ladronisia ku violensia na un póm di gasolin den área di Weg naar Fuik, kometé dia 31 di desèmber 2017, Polis a detené tres sospechoso maskulino.

E dia ei en kuestion e sospechosonan un ratu promé na Kaya Internet, bou di menasa ku arma di kandela nan a kita un kran di un kompania for di e shofùr. Despues di nan akto nan a bai ku e kran alrededor di 04.50 or, na e póm ariba menshoná. Ku e kran kaminda e kasa ta ubiká nan a bèk dal drenta parsialmente den e establimentu i a logra di bai ku e kasa ku kontenido.

En konekshon ku e kaso di ladronisia ku violensia ariba menshoná, ayera djaweps 1 di mart 2018, alrededor di 21.10 or, Tim di aresto a detené e hòmbènan sospechoso:

T.L.M.M. nasé na Kòrsou di 22 aña di edat;
K.R.H. nasé na Kòrsou di 24 aña di edat i
J.R.P. nasé na Kòrsou di 24 aña di edat.

Detenshon a tuma lugá den un kamer di un hotèl den área di Otrobanda. Durante nan detenshon tabatin un hóben femenino menor di edat den nan kompania, ku a keda entregá na su mayornan.

Relashoná ku e kaso aki djárasen 28 di febrüari úlitimo, e tim di aresto a detené e hòmbèr sospechoso J.R.L.F. nasé na Kòrsou di 29 aña di edat. Detenshon a tuma lugá den área di Roi Santu.

A presentá tur e sospechosonan aki dilanti un Fiskal Ouksiliar ku a ordená nan enkarselamentu pendiente di mas investigashon.

Detenshon di dos sospechoso relashoná ku maltrato

DJABIÈRNÈ 2 mart 2018, alrededor di 21.47 or, Sentral di Polis a haña notifikashon di un kaso di bringamentu ku ta tumando lugá na un toko riba Kaminda Hensley Meulens. Na yegada di e patruya e agentenan a topa ku dos (2) hòmbèr ku tabata bou di influensia di alkohol ku a bringa ku otro. For di un investigashon preliminar ku polis a realisá na e sitio, nan a kontsatá ku un di e hòmbènan tabata tin un kap na kabes mientras e otro tabata tin un kap tras di su orea drechi. E motibu di e bringamentu ta den investigashon. Polis a detené ámbos hòmbèr komo sospechoso di maltrato.

Ta trata di e hòmbènan:

1. J.D.S.P. nasé na Portugal, 50 aña di edat;
2. J.A.C.C. nasé na Colombia, 47 aña di edat.

A hibá ámbos sospechoso departamento di Reshèrshi (VVC) kaminda a presentá nan dilanti un Fiskal Ouksiliar ku a ordená nan enkarselashon pendiente mas investigashon.

Detenshon di dos sospechoso

DJABIÈRNÈ 2 mart 2018, alrededor di 18.19 or, Sentral di Polis a dirigí un patruya riba Rooseveltweg na altura di un restorant, kaminda doño di un outo ku nan hòrta a rekonosé su vehíkulo ku dos persona den dje.

Na yegada di e patruya e agentenan a papia ku un hòmbèr ku a deklará ku aña pasá desèmber e la duna keho di ladronisia di su outo i e la kaba di topa e outo ku dos persona den dje na e sitio ariba mencioná.

Na e sitio polis a topa un outo shinishi ku un pareha den dje, un hòmbèr i un muhé. For di un investigashon preliminar ku polis a realisá na e sitio, e hòmbèr ku tabata fungi komo shofùr a deklará na polis ku e ku su kasá ta di fakansi na Kòrsou. E la hür e outo serka un familiar di dje ku ta biba na Kòrsou. E agentenan a bai kontrolá e papelnan di e outo i a resultá ku nan no ta kuadra ku e vehíkulo.

Polis a konfiská e outo pa mas investigashon.

En konekshon ku esaki polis a detené tantu e homber, F.I.M. nasé na Kòrsou di 71 aña di edat komo su kasá W.J.M.-D nasé na Surnam di 58 aña di edat.

A presentá ámbos sospechoso dilanti un Fiskal Ouksiliar.



Detenshon di un dospechoso relashoná ku maltrato ku arma

DJABIÈRNÈ 2 mart 2018, alrededor di 22.11 or, Sentral di Polis a haña notifikashon di un kaso di bringamentu ku ta tumando lugá na Klein Sta. Martha.

Na yegada di e patruya e agentenan a topa ku un (1) hòmer drumí kantu di kaminda ku un kòrtá na altura di su frenta. E hòmer a splika polis ku e tabata tin un diskushon ku un famia (femenino) di dje i esaki a kòrt'é

ku un opheto skèrpi.

En konekshon ku e maltrato ariba mensioná polis a detené e dama R.M.M. nasé na Kòrsou, 25 aña di edat komo sospechoso di maltrato ku arma.

A presentá R.M. dilanti un Fiskal Ouksiliar ku a ordená su enkarselashon pendiente mas investigashon.

4 aña di prizon di kua 1 aña kondishonal pa hóben ku problema mental

WILLEMSTAD - E hóben Joel Alexander Brache Benitez di 21 aña di edat tabata den sala di korte ayera debí ku dia 12 di yüli 2017, e huntu ku Felix Barton a tira atrako riba un negoshi ku ta bende batata frit hasá.

Na e okashon aki e duo a hòrta 2 telefon mobil Samsung Galaxy, un estuche pretu, e suma di plaka di 635 florin i un pòtmòni ku kontenido. E duo a presentá na e sitio ku karanan tapá i ku arma di kandela, gritando pa duna nan tur plaka.

Nan tabata den un mazda kòrá ku a bai resultá riba vèlt di bala pa motibu di un aksidente ku nan a kousa i e vehíkulo aki klaramente a sufri daño. Den e tas di Felix Barton a haña e suma di plaka, siendo Joel Alexander Brache Benitez ta esun ku tabatin yabi di e outo.

Den sala di korte ayera e hóben aki a komportá masha difísil mes i meskos ku a bini padilanti ku mentalmente e hòmer aki lo tin algun problema, esei a keda komprobá den sala di korte tambe pa su forma di komportá.

Na vários momento durante tratamen-

tu di e kaso, e hóben aki simplemente tabata sigui wak su dilanti i no tabata duna kontesta riba preguntanan ku wes mr. Mauritsz de Kort tabata hasié.

Segun wes mr. de Kort, e mucha hòmer aki tabata studia masha bon na skol, pero direpente el a djòin un grupo di amigu ku ta uza droga i a kuminsá ta komportá kompletamente robes.

Testigunan a konta ku nan a mira e 2 hóbennan aki ta aktua sumamente nervioso i ku klaramente por a mira ku nan tabatin problema ku radiator di e outo. Nan a laga e outo atras na altura di Keycenter Brievengat.

Joel Alexander Brache Benitez a ninga di a kometé atrako, insistiendo ku e tabata riba vèlt di bala. Pero, tin tur indikashon ku na sierto momento e akusado aki, esta Joel Alexander Brache Benitez lo a yega kas, kambia paña rápidamente i hisa e pañanan ku e tabatin bistí durante ku el a kometé e atrako, benta un banda.

El a hinka esakinan den un frishidèr ku tabatin den kurá di kas, pero outoridatnan a haña e pañanan bèk i asina ei por a identifíké komo un di esnan ku a tira

atrako na e negoshi di friet den Brievengat. E outo di hür aki tabata den poder di un amiga di Felix Barton, pero e akusado Joel Alexander Brache Benitez a sigui insistí ku el a fia e outo, anto no kier a bisa serka ken.

Enfin, tin tur indikashon ku e akusado aki ta adikto na droga i ta sufri di halusinashon, esta ku e ta mira spiritu i tende stèmnan straño di hende. Komo tal e lo mester di tratamentu pa su problemanan mental i sikológiko.

Abogado señora mr. M. Gomes a argumentá ku no tin ningun prueba ku su kliente a hòrta, pasobra no tin persona ku a mira esaki sosodé.

Wes a sigui e demanda di fiskal, esta un kastigu di prizon di 4 aña di kua 1 aña kondishonal i guia obligatorio di parti di Reclassering i un periodo di prueba di 3 aña. E akusado ya ta den e departamentu Foba aya na prizon di Koraal Specht.

Ku e sentensia awor tin espasio pa interná e akusado aki den Brasami di manera ku e por risibí trato profeshonal pa frena su problemanan mental i di adikshon.



Riba futuro di labor i digitalisashon

SER di Korsou a partisipá na reunion ku nan koleganan na Kosta di Marfil

WILLEMSTAD – Riba invitashon di presidencia di e organisashon internashonal di konsehonan sosial ekonómiko i institushonnan similar (AICESIS), un delegashon tékniko di Konseho Sosial Ekonómiko di Kòrsou lo sali djadumingu próksimo, 4 di mart 2018, pa Abidjan, kapital di Kosta di Marfil na Afrika, kaminda nan lo asistí na e reunion di direktiva di e organismo mundial aki. E delegashon tékniko di SER Kòrsou ta konsistí di direktor / sekretario general drs. Raúl Henriquez i konsehero hurídiko mayó sra. mr. Miloushka Sboui-Racamy.

Durante e último Asamblea General di AICESIS, ku a tuma lugá na sèptèmber di aña pasá na kapital di Repùblika Dominikana, Santo Domingo, a palabrá ku e próksimo reunion di e direktiva lo tuma lugá na e pais Afrikano.

Durante e asamblea general ei, Kòrsou a ser elegí, basá riba statutonnan di AICESIS, komo miembro di direktiva di e organisashon aki pa un periodo di dos aña, te ku 2019. Huntu ku Brasil i Repùblika Dominikana, ku tambe a ser elegí komo

miembronan di direktiva, Kòrsou lo representá ‘SER-nan’ di region di Karibe i Latino Amérika durante e reunion di direktiva ku lo tuma lugá djaweps dia 8 di mart próksimo.

Temanan spesífiko ku lo ser tratá durante e reunion ei, ta entre otro futuro di AICESIS mes, kooperashon mas estrecho ku Organisashon Internashonal di Labor (ILO) i Kongreso Ekonómiko i Sosial di Nashonnan Uní (ECOSOC). Mas aleu lo ta trata puntonan di agènda fiho manera entre otro adaptashon di relato anual i relato finansiero di AICESIS.

Despues di e reunion di direktiva lo tin un tayer kaminda delegadonan di ‘SER-nan’ di rònt mundu lo interkambiá di idea ku otro riba temanan di aktualidat manera futuro di labor, digitalisashon i su impakto riba ekonomia i merkado laboral.

Pa Konseho Sosial Ekononimo di Kòrsou e puntonan ku nan lo diskuti na Afrika e dlanan binidero ta di importansia ya ku durante di e tayer ‘best practices’ lo keda presentá ku tin relevansia pa konseho- i análistisnan ku SER ta saka.

Rhuggenaath a hasi bishita kòrtiku na Hulanda

WILLEMSTAD - Durante su bishita na Europa Promé Minister a bishitá Vise-presidente di ‘Raad van State’ na Den Haag, señor Piet Hein Donner. Un kombersashon konstruktivo kaminda e sirbidónan di estado por a interkambia idea riba diferente tópiko, entre otro Hospital Nobo i un eventual akademia di gobernashon pa tur ámtenar na e diferente islanan den Karibe.

Tambe a papia di maneho pa logra desaroyo duradero riba e islanan. Na Kas di Kòrsou a lansa

di un forma festivo e revista Curaçao, kual tin komo meta pa laga mas persona i instansia sera konosí ku Kòrsou i e posibilidatnan ku ta eksistí riba nos isla.





Menky Rojer ta kuestioná kolega Calmes kende ta ehersé komo polis

WILLEMSTAD - E Parlamentario Menki Rojer a manda un kara pa Presidene di Parlamento kaminda e ta kuestioná seriamente komportasho di su kolega di partid PIN, Lennox Calmes.

Ela tuma nota ku durante Gran Marcha di Karnaval 2018, su kolega Parlamentario señor Lennox Calmes tabata ehersiendo e trabou di polis, formando parti di e asina yamá Biketeam.

Tambe ela tuma nota ku señor Calmes, tabata karga un arma.

Te asina leu ku Rojer por a opservá, E ta asumí ku e arma aki ta e arma reglamentario ku polisnan sa karga durante ehersisio di nan trabou.

Mas aleu a yega na su konosementu tambe ku sr. Calmes (siendo Parlamentario) a partisipá aktivamente na un of mas okashon komo integrante di Arrestatieteam na redadanan.

P'esei Menki Rojer tabatin algun pregunta pa presidente di parlamento.

1. Señor Ministro ta na altura di e echo ku e kolega Parlamentario Lennox Calmes a fungi aktivamente komo polis durante Gran Marcha di Karnaval 2018?
2. Señor Ministro por a informá Parlamento ken of kua instansia a duna señor Calmes pèrmit pa e por a partisipá komo integrante di e Biketeam durante Gran Marcha di Karnaval?
3. Señor Ministro por a informá Parlamento, ku si partisipashon di señor Calmes, komo polis aktivo nan Gran Marcha di Karnaval, siendo un Parlamentario full-time, ta kuadra ku leinan vigente ku ta preskribi funshonnan ku no ta den konkordansia ku e funshon di un Parlamentario full-time?

4. Señor Ministro ta na altura di e echo ku un polis riba non-aktief, no ta permití pa karga, ni hasi uso di e arma reglamentario?

5. Señor Ministro por a informá Parlamento ku si señor Calmes tabata den posishon di e arma reglamentario di polis durante Gran Marcha di Karnaval 2018?

6. Señor Ministro por a informá Parlamento ku si señor Calmes ta pèrmití karga i of poseé e arma reglamentario di polis siendo Parlamentario full-time?

7. Señor Ministro por a informá Parlamento ku si Mando Polisial of Ministerio Publiko ta dispuesto na entrega keho kontra, respektivamente persigui señor Calmes pa e echo ku e tabata karga un arma di kandela visiblemente durante Gran Marcha di Karnaval 2018 di un forma ilegal?

8. Señor Ministro por a informá Parlamento ku si ta verídiko e echo ku señor Calmes a yega di partisipá na un of mas okashon (siendo Parlamentario) na redadanan ehersé pa e Arrestatieteam di polis

9. Si pregunta numero 8 ta afirmativo, Señor Ministro por a informá Parlamento ken of kua instansia a duna sr. Calmes pèrmit pa por a partisipá na e Arrestatieteam?

10. Señor Ministro komo e titular enkargá ku e Sektor Polisial, ta dispuesto na sanshoná i tuma medidanan apropiá kontra tantu señor Calmes i tur esnan ku a permitié partisipá na aktonan en pugna na leinan vigente den kuadro di ehersementu di e trabou di un polis?

11. Señor Ministro por informá Parlamento ku si e trabounan ehersé pa señor Calmes durante Gran Marcha di Karnaval 2018 i tambe su supuesto partisipashon na redadanan, si esakinan a bai kontra pago of abase boluntario?

Menki Rojer t asinta spera ku pasenshi riba pregunta dje minister competente.





A tene kuenta ku Antonio Zimmerman pa poseshon di arma di kandela

WILLEMSTAD - E suidadano Antonio Zimmerman di 55 aña di edat a keda haña ku arma di kandela. Den sala di korte ayera el a deklará ku ta arma di kandela ku e tin pa spanta kachó kuné ya ku e ta un kriadó di kabritu, anto e sa hañ'é ku kachó ku sa trata na mata su bestianan.

Mientras ku e ta será den prizon, el a pèrdè 5 kabritu di e 31 en total ku e tabatin. E problema sinembargo a bira mas serio debí ku e arma di kandela tabata den outo i no na su kas.

Mas aleu a bini padilanti tambe ku e arma di kandela ta den perfekto kondishon, anto ku e suidadano aki tin un karchi di kastigu bastante kargá. Asina ei wes a resumí e añanan 2005, 2009, 2012, 2013 ku na Ulanda e akusado Antonio Zimmerman a hañ'é den brasa di hustisia. Pa gran parti aki ta trata di ladronisia den pakus i tienda.

Den e kaso resien ku tabata dia 7 di novèmber 2017, e akusado tabata den outo ora ku polisnan a hañ'é ku e arma di kandela pa kua el a keda detené i enkarselá. Kontestando

preguntanan di wes el a bisa ku e no ta uza droga mas i wes na su turno a rekonosé kambio di komportashon den e sentido positivo i ta spera ku e lo no kai den ningun problema mas ku hustisia.

Fiskal mr. R. Koert a pidi un kastigu di prizon di 18 luna di kua 6 luna kondishonal i konfiskashon di e arma di kandela ku un periodo di prueba di 3 aña. Abogado defensor di e akusado, mr. Engels, a splika ku ningun momento so e suidadano aki no tabatin ningun mal intenshon i ku ta puramente pa prevení problemanan ku su krio di kabritu, e tabatin e arma di kandela.

Wes mr. de Kort sinembargo a stipulá un kastigu un tiki mas abou di loke fiskal a pidi, esta 12 luna di prizon di kua 3 luna kondishonal i konfiskashon di e arma di kandela i e munishon korespondiente. Ta keda 2 siman pa disidí si ta apelá e sentensia.

Stephan N. Lucas sentensiá pa sospecho di ta bende droga

WILLEMSTAD - E suidadano yu di Kòrsou Stephan Nathaniel Lucas di 30 aña di edat, pero nasé na Ulanda ayera a presentá den sala di korte pa responsabilisá pa e hecho ku tin vários akusashon kontra dje.

Pa kuminsá Stephan Lucas ayera dilanti di wes a ekspresá su mal kontentu pa e forma kon polisnan a drenta su kas dia 8 di novèmber 2017. El a eksigí pa must'é promé e dokumentu(nan) ku ta legitimá tal aktuashon den su kas.

Segun Stephan Lucas polisnan a reakshoná furioso i mas bien a hal'é pone un banda, sin duna ningun kuenta i rason i sigui pasa bai paden. Den e kas di Stephan Lucas a haña kasi 2 kilo di mariwana repartí den sierto porshonnan i plamá rònt den e kas, esta den frishidèr, den kashi di paña, den e kashi di su dormitorio etcetera.

E tabatin ademas un arma di kandela modelo Glock ku 30 patronchi. Pa loke ta e droga un total di 1864 gram di mariwana, mas 55 gram di kokaina polis a registrá. Brevemente a repasá e pasado di e akusado aki i e tin vários asunto ku di un

manera of otro el a hañ'é ku hustisia sea na aña 2007, 2009, 2012 of 2013.

Pero, e faktornan ku a lanta sospecho ku aki ta trata di negoshi di droga, ta e kantidat di droga konfiská, anto e sumanan di plaka den tur sorto di valuta, esta tantu na dòler merikano komo na Euro i florin Antiano.

A haña e siguiente sumanan di plaka den e kas, 485 florin, 4 dòler merikano, 5683 florin, 390 euro, 126 dòler merikano, mas 195 florin. Pa kolmo no muchu leu for di kas di Stephan Lucas a gara dos persona ku droga, kendenan supuestamente a kaba di sali e kas di e akusado aki.

Stephan Lucas ta bisa ku ta su plakanan di spar, pero fiskal mr. Koert a proponé pa konfiská e plakanan, bisando ku ta resultado di bendementu di droga i ademas e fiskal a proponé un kastigu di prizon di 36 luna di kua 12 luna kondishonal i destrukshon di e droga.

Enfin Stephan Lucas ta konsiderá un firstoffender. Wes mr. de Kort a konden'é na 30 luna kastigu di prizon di kua 12 luna kondishonal i un periodo di prueba di 3 aña.

Maritza Becher de Windt a bira presidente di FKP ku 10+ punto

Royal Funeral Home & Crematory

Cumana #44 Tel: 586-4444 / 733-2906
E: royalfuneralhome@hotmail.com / 593-0857 / 731-5847

"Dios ta Amor... y Amor ta Dios,
Maske mi no ta na e mundo aki,
tur dia lo mi ta banda di boso Curason,
mi por stens di loke señor ta hasi"
-Salmo33

Cu Inmenso Dolor na nos Curason Nos Tin e
tristo deber di Anuncia Fayecimento di



**Sra. Viuda Thomasa
Eckmeyer Luidens**

miho conoci como : Chita di Chemito.

*17-03-1930 - †03-03-2018


Acto di entierro lo wordo anuncia despues.

Aurora Funeral Home

Cumana 76
Oranjestad, Aruba
Tel: 588-6699
Fax: 588-6698
Cel : 593-0857 / 560-1403

Señor ta mi wardador, mi'n tin falta di nada,
den cunucu di yerba berde E ta pone mi sosega.
E ta hiba mi na awa trankil, pa mi bolbe haya forza.
Salmo: 23.1

Cu inmenso tristeza na nos curazon,
pero conforme cu boluntad di Dios nos ta
participa fayecimento di:



Cerilia Boekhoudt

*30-03-1936 - +04-03-2018

Acto di entierro lo wordo anuncia despues.

Aurora Funeral Home

Cumana 76
Oranjestad, Aruba
Tel: 588-6699
Fax: 588-6698
Cel : 593-0857 / 560-1403

Ki alegria, ora nan a bisa mi:
"Ban cas di Señor!"
I awor, ata mi aki para na bo porta Señor.
Salmo 122

Cu inmenso tristesa den nos curason,
nos ta participa fayecimento di:



Greta Evelina Wernet-Tromp

* 18-10-1938 - + 26-2-2018
Viuda di + Oscar Wernet

Mayornan: † Americo Tromp y + Julianita Leon

Rumannan: † Jose Americo Tromp
† Lucia Jones-Tromp (Luchi)
Wilfred Tromp (Freddy)
Abelino Tromp
Irma Abdoel-Khan-Tromp (Nanana)

Sobrinonan y sobrinanan:
Robert (Robbie) Jones (USA)
Radighmyr, Rashid, Rahmyghael y Rhazira Khan

Swanan y cuña:
Rudy Wernet y famia na Hulanda
Inca Wernet
Andre (Deechi) Wernet y famia

Prima stima manera mama:
Justica Paublini

Primonan:
Edfried de Leon y famia
Eddy Tromp y famia

Iha:
Sergio (Eddy) Tromp y famia

Demas famianan:
Tromp, de Leon, Wernet, Jones, Khan, Bareño, Ras,
Wyatt, Boyé, Toppenberg, Sophia, Werleman,
Oduber,

Ta invita pa acto di entierro y despedida cual lo
tuma lugar na Aurora Funeral Home diamars, 6
maart 2018, for di 2'or te cu 4'or di atardi. Despues
lo sali pa Santana Catolico na Playa.

Disculpa nos si den nos momento di tristeza nos
por a lubida algun familiar of otro persona.

Despues di entierro nos lo no por ricibi bishita di
condolencia na cas.

WILLEMSTAD - Realmente ta di elogia e forma ku mr. Maritza Azriella Becher-de Windt a keda postulá i nombrá komo presidente di Hunta di Komisario di SBTNO pasando 'screening' di SBTNO ku 10+ riba su evaluashon.

Esei ta splika tambe kon e Buena Pro di Konsehero di Gobiernu mr. Donald de Palm a bai asina rapido pa rekomendé komo presidente di Hunta di Komisario di Fundashon Kas Popular. E ta bira miembro-presidente dje hunta ku spesialidat di hurista i ya kaba a registr'é den registro di Kamara di Komersio.

Tur loke Konsehero mr. de Palm tabatin ku hasi ta kontrolá si e datonan ku minister Zita Leito a manda pe tabata korekto.

Pa ela bira presidente di Hunta di Komisario e mester a demostrá di ta dominá e materia pa kual a nombr'é den e hunta i ku e tin eksperensia gerensial.

Ela traha komo abogado na dos bufete lokal i e tin e bentaha adishonal ku e ta konosí komo produktor i presentadó di programa di televishon.

Konsiderando su imahen i e facilidad ku kual e ta krea struktura den e organisashonnan ku e tabata ta mas ku opvio ku e por duna un kontribushon balioso komo presidente dje hunta. Di otro banda SBTNO no por a evaluá su persona a base di statutonnan dje fundashon pasobra nan ta opsoleto i no ta adaptá na e model moderno.


Loke sí tin ku sosodé ta pa direktiva di Fundashon Kas Popular adaptá statutonnan mas pronto posibel pa nan kumpli ku regla di Bon Gobernashon.

Detenshon di un dospechoso relashoná ku maltrato ku arma



Cumana 76
Oranjestad, Aruba
Tel: 588-6699
Fax: 588-6698
Cel : 593-0857 / 560-1403

Mi no a muri
Ta pesey mi no a bisa ayo
Mi a djies habri mi halanan
y bula bai keiro. Boso a keda atras
No laga tristesa domina boso.
Keda uni un cu otro pa mi alma
Esey lo ta un alegria.
Recorda mi cu hopi amor.
Cu inmenso dolor na nos curason nos ta anuncia
fayecimento inespera di nos yiu, tata y ruman :



Edward Rafael Thiel

Mihor conoci como "Ponsy"
*20-11-1986 - †24-02-2018

Na number di su:

Mama: Marisela Lugo Colina
Tata: Edwin Thiel y Michelle Thiel Roos
Yiunan: Jayden Villa
Nathaniel Thiel
Rumannan: Edmar Thiel y Rubenita da Silva
Edwardo Thiel y Joseanna Maduro

Primoruman:

Marilain Yarzagaray y Ewald Koolman y yiunan
Sobrina- y sobrinonan: Diyoura, Zhiqion,
Daleyza, Edelmara, Edellaine, Edwald

Mama di su yiunan: Luselie Villa, Shamiris Ascanio

Ex suegra: Sharon Poeran

Ex suegro: Vladimir Ascanio

Welo (a)nan na Venezuela: Maria Lugo Colina "Chepa"
†Julio Rafael Lugo

Welo (a)nan na Aruba : †Libia Willems

Victoriano Flanegin

Padrino: Franklin Kock

Madrina: Digna Flanegin

Primo(a) stima: Joel Wever y familia, Sherrety,
Sandy-anne, Maike

Tanta y Omonan na Aruba y Venezuela:

Celina Lugo Colina, Jesus Lugo Colina,

†Julio Rafael Lugo Colina y familia

Julio Cesar Lugo Colina y familia

Rosita Lugo Colina y familia

Ciro Lugo Colina

Marisol Lugo Colina y familia

†Maribel Lugo Colina y familia

Jose Gregorio Lugo Colina

Lino Thiel y familia

Sofia Thiel y familia

Ramiro Thiel y familia

Aishel Thiel y familia

Carlo Thiel y familia

Nelson Flanegin y familia

Marlon Flanegin y familia

Pareha : Regina Espinosa

Amigonan di cas:

Ference, Ashwin, Rolando, Renald, Bryan, Jason

Tanata y omo grandinan, prima y primonan, amiga y

amigonan, bisñanan y conocirnan, famianan na Venezuela y

Hulanda, ex coleganan di trabou, team di

voetball Atlantico

Demas famianan: Thiel, Lugo, Colina, Flanegin, Willems, Villa,

da Silva, Maduro, Yarzagaray, Ascanio, Croes, Poeran, Young,

Kelly, Wever, Albert, Espinosa, Rosel, Kock, Koolman, Roos,

Lopes, Ochoa, Vergel Amaya, Roga, Gomes, Lo-a-njoe,

Henriquez, Dabian, werleman, Alders, Jacapucci, Wester,

Hewitt, Peña, Julia, Jones, Mohamed, Carolina, Schwengle,

Brown

Ta invita pa acto di entierro cu lo tuma lugar na Aurora

Funeral Home diaranson 7 di maart 2018 di 9'or pa 11'or di

mainta. Despues lo sali pa Santana catolico na Sta Cruz.

Oportunidad pa condolencia lo ta na Aurora Funeral Home

diamars 6 di maart 2018 di 7'or pa 9'or di anochi.

Nos ta pidi nos disculpa si den nos tristesa nos por a lubida

algun persona of familia.

Despues di entierro no ta ricibi bishita di condolencia na cas.

DJABIÈRNÈ 2 mart 2018, alrededor di 22.11 or, Sentral di Polis a haña notifikashon di un kaso di bringamentu ku ta tumando lugá na Klein Sta. Martha.

Na yegada di e patruya e agentenan a topa ku un (1) hòmbler drumí kantu di kaminda ku un kòrtá na altura di su frenta. E hòmbler a splika polis ku e tabata tin un diskushon ku un famia (femenino) di dje i esaki a kòrt'é ku un opheto skèrpi. En konekshon ku e maltrato ariba mensioná polis a detené e dama R.M.M. nasé na Kòrsou, 25 aña di edat komo sospechoso di maltrato ku arma.

A presentá R.M. dilanti un Fiskal Ouksiliar ku a ordená su enkarselashon pendiente mas investigashon.



Cumana 76
Oranjestad, Aruba
Tel: 588-6699
Fax: 588-6698
Cel : 593-0857 / 560-1403

Laga tur loke ta spera mi ta bunita
Laga tur locual cu mi encontra na caminda ta
bunita
Laga tur locual cu mi laga atras keda bunita y
Laga esakinan termina den tur buniteza.
Cado Wever.

Conforme cu boluntad di Dios, nos ta anuncia
fayecimento inesperadamente di :



Ilario Krosendijk

Mihor conoci como "Ali"
*21-10-1942 - †02-03-2018

Acto di entierro lo wordo anuncia despues



Cumana 76
Oranjestad, Aruba
Tel: 588-6699
Fax: 588-6698
Cel : 593-0857 / 560-1403

Gradicimento

Den number di Vicia Adelfina Daal-Dammers
nos kier a agradeci



Vicia Adelfina Daal-Dammers

Dr. Cayama, dr. Fingal y dr. Waterloo pa e bon
cuido cu ela risibi den tur e añanan. Danki na tur
famia y amigo y amiganan di Aruba, Boneiro,
Korsow, Merca y Hulanda cu a duna apoyo y cu a
duna nos palabra di consuelo e dianan difícil aki.
Chichi nos ta stimabo pa semper.



Cumana 76
Oranjestad, Aruba
Tel: 588-6699
Fax: 588-6698
Cel : 593-0857 / 560-1403

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa tranquil,
Pa mi bolbe haña forsa".
Salmo: 23

Cu inmenso tristesa den nos curason,
nos ta participa fayecimento di:



Federico Adelsoto

Mihor conoci como: "Decho"
*17-03-1939 - †03-03-2018

Acto di entierro lo wordo anuncia despues.



Cumana 76
Oranjestad, Aruba
Tel: 588-6699
Fax: 588-6698
Cel : 593-0857 / 560-1403

"Dios ta amor... y amor ta Dios,
maske mi no ta na e mundo aki,
tur dia lo mi ta bandadi boso Curazon,
mi por steuns di loke Señor ta hasi"

Conforme cu boluntad di Dios,
nos ta anuncia fayecimento di :



Leonardo Tromp

Mihor conoci como "Nadi"
*18-01-1940 - †02-03-2018

Acto di entierro lo wordo anuncia despues



Oficina di Turismo honra cu bishita di Jeon



CU sumo placer, staff y personal di Aruba Tourism Authority a ricibi bishita di e conocido Jeon.

Durante su bishita el a wordo yama un caluroso bonbini door di CEO di Aruba Tourism Authority Ronella Tjin Asjoe-Croes hunto cu e team di A.T.A.

Naturalmente e momento no por a pasa sin saca diferente potret na unda un y tur a disfruta di un momento unico cu nos artista internacional di Aruba.

Riba e potretnan por mira mas di e acontecimento na oficina di A.T.A.



Lus...Camera...Fiesta

Curaçao Tourism Board (CTB) a organisa e prome edicion di 'Curaçao Explosion in Aruba'



RECIENTEMENTE un delegacion di Ofisina di Turismo di Kòrsou (CTB) y partners den e industria turistico, a bishita Aruba pa presenta nan evento y producto durante e 'Curaçao Explosion in Aruba 2018' (CEA). Durante CEA, e delegacion di Corsou a presenta tur loke e isla aki tin di ofrece durante aña 2018, pa loke ta trata entretenimento.

E evento a conta cu primeramente un rueda di prensa, sigui pa un plaza di informacion cu a keda bon bishita. Minister di Desaroyo Economico di Corsou, dr. Steven Martina, a hasi apertura di e plaza di informacion.

Diferente partner den sector di turismo a join CTB na CEA y a hasi uzo di e oportunidad pa presenta nan pakete- y prijsnan atractivo.

E partners di Corsou tabata: Acoya Curacao Resort, Villas and Spa, Papagayo Curaçao, Hilton Curaçao, Sunscape Curaçao Resort, Spa & Casino, Scuba Lodge Boutique Hotel & Ocean Suites, Pietermaai District Curaçao, Quints Travelers Inn, Renaissance Curaçao Resort & Casino, Fiesta Tours, y Curaçao Industrial and International Trade Development Company N.V. (Curinde).

Di Aruba a participa: Aruba Airlines, Maduro Travel, y Discovery Travel.

Tambe a hasi uzo di e oportunidad pa duna informacion di e diferente evento y festivalnan musical cu lo bay tuma lugar e aña aki na Corsou, entre otro: Curaçao International BlueSeas Festival, Curaçao Ponton Festival, Curaçao International Film Festival Rotterdam, Vierdaagse Curaçao, Curaçao Extreme Drag Fest, Velas Latinoamérica Curaçao y Curaçao North Sea Jazz Festival.

E banda ganador di Festival di Tumba di Corsou 2018, Buleria, a anima tur presente y trece un dushi ambiente durante CEA.

Un plaza manera CEA ta ideal pa e consumidor haya tur informacion cu e mester pa por plania su biahe pa Corsou.

Aruba semper a demostra di ta reacciona positivo pa cu nos eventonan na Corsou y p'esey mes e plaza aki a cay na agrado di e bishitantenan.

CTB ta gradici tur e partnernan cu a participa na e Curaçao Explosion in Aruba 2018.

CTB lo sigui cu su esfuersonan pa merkadea e isla di Corsou den e diferente mercado importante pa e isla.

Sigui na pagina 37 >

Lus...Camera...Fiesta





Golpi duro pa Gobierno nobo di Sint Maarten



ELECCION apenas a pasa y Gobierno nobo no a ni forma ainda na Sint Maarten, cu e futuro coalicion cu lo bay goberna e isla autonomo, cu Hulanda a declara pa no ta apto pa ta autonomo, ta haya golpi cu Gobierno di Reino a rechasa nan presupuesto.

Y sin presupuesto, un Gobierno no por goberna un pais. Pa colmo, ta un presupuesto cu a keda aproba pa e Parlamento y Gobierno anterior, y cu e Minister di Finanzas saliente a pinta un cuadro totalmente robes di e pais.

Hulanda ta manda bisa e Gobierno demisionario cu e concepto di e presupuesto di pais Sint Maarten no ta cumpli cu e exigencianan di un presupuesto manera ta stipula y p'esey nan no por haya un conseho positivo for di Colegio di Supervision Financiero.

E presupuesto tin un buraco di 254.7 miyon florin, loke no ta permisibel bou di reglanan di Colegio di Supervision financiero.

Tocante esey, por bisa cu e buraco cu tin den finanza di SEHOS ta practicamente mes grandi, sin conta e buraco den presupuesto di Gobierno di Corsou cu hunto ta yega na mey biyon florin.

Sinembargo, pa Corsou si e Colegio di Supervision Financiero no a emiti un opinion devastador manera cu nan a hasi cu Sint Maarten, cu pa colmo tin cu recupera pa 90% ainda di e golpi di orcan Irma.

Ainda mester busca 67 miyon florin pa paga cierto gastonan cu a hasi caba pa cubri dañonan di orcan Irma.

Internacional



Mal tempo ta causa shete morto na Merca



UN mal tempo basta fuerte cu ta sucudiendo e parti oost di Merca for di diabierna caba, a cobra bida di 7 persona dor di e caida di diferente mata pa motibo di e biontonan fuerte, segun a keda informa pa medionan local.

E mal tempo, cu a cuminsa diabierna y cu ainda ta azotando numeroso region di e pais, a afecta mas di un dozijn di estado, for di Maine te na North Carolina, y varios otro ciudad grandi manera Boston, New York, Philadelphia of Washington.

E biento, cu a yega na alcanza un forza di 145 kilometer pa ora, a provoca e caida di numeroso matanan y di edificionan urbano na henter e parti aki di e pais, como tambe diferente interrupcion di coriente cu a yega di laga

den scuridad serca di dos milyon di persona.

Den e ultimo oranan shete persona a perde nan bida den incidentenan relaciona cu matanan cu a cay pa e inclemencia meteorologico, entre nan un mucha di 6 aña na Virginia y otro di 11 na New York, kendenan tabata den nan cas ora cu esakinan a wordo impacta pa e obehe-tonan, segun informacion suminista pa The New York Times y The Washington Post.

Pa loke ta trata e adul-tonan, a fayece un homber di 72 aña na Newport (Rhode Island) y un señora di 77 na Baltimore County (Maryland), ademá di tres homber na Virginia, Connecticut y Pensilvania cu tabata den nan auto ora cu e matanan a cay riba nan.



AWEMainta

#1 Online

Completamente
DIGITAL

**Ricibi AWEMainta
tur dia den bo inbox**

Manda bo E-mail na noticia@awemainta.com

**Haya noticia y edicionan di
AWEMainta riba nos website**

www.awemainta.com

Like nos riba Facebook

www.facebook.com/awemainta